

117
202
1

沈歸愚先生鑒定

春秋經傳類求

孫石芝纂輯
過東岡

舊名堂
藏板

臣

春秋經傳類求序

吾友過東岡與孫石芝纂成春秋類求一
書蓋以經傳分類彙錄由是而循序求夫
義理之大要也余交東岡在乾隆辛酉歲
此書已成大半入其室見經籍滿案濡首
其間輒寫輒讀大拓管簞粥對賓客而外
日惟求此不汎涉他事至今年而書成距

辛酉又十七年矣東岡之大父筠谷纂脩
蘇州府暨吳縣長洲崇明四學志筠谷之
兄振鷺肖清華堂文選行世而評選古今
又覺斯家無錫字商侯者於筠谷亦兄弟
行也至今稱毘陵姑胥之先輩必及三君
子實皆源流乎先世成山先生之家學支
生為有聞人所著分省人物考流傳海

內余竒愛之然則過氏自先生以歷商侯
兄弟世以纂書名家殆頡頏乎江左青箱
之學矣自微言絕而衆說起或鏤心織辭
或高睥大談各是所從來久余以為
質未臻乎高明情獨專於一徑孳孳求之
惘然自失者視彼摘竒奪新相炫以榮
之華榮亦各從其志也謂克繩祖武乎東

岡固弗自信而推此志也尚使先世之遺
緒綿延如綫余於東岡則死諛辭矣是書
類例既有石芝參相稽謀而沈宗伯惠徵
士皆吳中明經者當有定論余烏足以云
乾隆丁丑八月錢唐陳撰撰

春秋經傳類求序

蘇子瞻春秋論有云當時之簡牘既亡其
詳不可得而聞矣然以類而求之或亦然
歟旨哉言乎此經傳類求一書之所自來
也夫六藝經傳以千萬數以言乎春秋則
千五百年以名為傳者左氏公羊穀梁駟
氏夾氏而外秉觚牘焦思慮以為編注疏

說者無慮千百夫不盡見其書而欲折其
是非不能也即盡見其書而欲折其是非
亦非學者所得率然而為之也公穀距左
氏不遠其所為傳與左氏牴牾者莫可悉
數而漢以後諸儒距公穀遠甚其所為論
說與左公穀牴牾者又莫可悉數然則後
之學者距諸儒又遠甚而欲別為異說以

自名家非不各有依據而求於聖經之微
言奧旨殆所謂患沙渾水而更投土以益
之者故吾謂即盡見其書而欲折其是非
尤非學者所得率然而為之也騶奭二氏
不傳惟左公穀立於學官宋儒胡氏撰春
秋傳間有異同大較要不離於左公穀三
家之說自頒行科舉成式以來春秋主此

四傳非謂學者限於所至蓋印此四傳所
牴牾者類而求之以究乎聖經之所在庶
少有畔岬之可趨焉孫子石芝過子東岡
按經文及四傳杜林等註分類纂輯間有
一事而分入幾類者亦有一類而復分幾
門者寧詳勿略寧繁勿簡為類百有二十
為卷一十有二文百有餘萬而吳惺夫苑

卿又慮其轉相纂錄不無舛訛闕漏之失
也於是又為之校勘而訂定之使經傳類
集粲然在目學者攷傳以據經依經以證
傳精微眇以存其意通倫類以貫其理夫
然後而求所謂千百年論註疏說之書則
百家騰躍終入環內明體而達用或不悖
乎聖人之道又何必別為異論曲說以

紛紛汨汨乎其間哉古人謂綴緝聖人遺
書庶不致浪度歲月然則三子之成是書
殆非易之而惺夫更授梓以行世非有心
嘉惠後學者其誰能之余故閱其書而識
之如此乾隆己卯十月歸愚沈德潛撰

春秋經傳類求序

明經莫盛於兩漢春秋左公穀各有名家
祖述師承繁於解詁於是墨守膏肓廢疾
之說興咸自繡其槃帙甚專附於讖緯而
聖人之深意反因之而不彰宋胡氏一對
之以經而傳之今學官以之取士夫聖人
因魯史而化春秋比事屬辭華衮斧鉞

著乎其間學古苟好學深思讀其文而義
自見又何以曉也聚訟為哉石邑孫先生
之春秋類求也經以經而緯以傳首左公
穀次胡氏異同並列事類燦然使好學深
思者以己意逆四傳之志而因以求春秋
之大旨經生莫便於此矣先生長於經濟
世之鉅公多重之參制將軍書數十年而

諸子百家以逮勾渥涪水之書無不旁通
博覽顧知先生之淹該者或不知其長於
時務而資其贊畫者又不知其沉潛於經
學乎其能盡先生之用乎然其人與書之
足以傳世無疑矣過君東岡與先生終始
成是書者又篤信之君子也并誌之
乾隆己卯李喜閩漳王南珍撰

春秋經傳類求自述

春秋當以類而求之本於蘇氏之說而朱子亦云此經固當以類例相通是以此書專於按類登錄無論經傳註凡有一字一字可以分類者悉分類

程子曰春秋一句即一事是非便見於此故每類前列書法後載事類而事類之下復載書法似前綱而後目

事類分經傳二類前列經後列傳有經無傳者入經類有經有傳者以傳入經類有傳無經者入傳類

左氏公羊穀梁胡氏皆傳也而杜林等註有發傳所未發者亦並入傳類

經者一句而各本互異者如莊六年齊人來歸衛俘公穀作齊人來歸衛寶胡氏據公穀以為俘者是文寶者釋辭今依左氏本入歸俘類復依公穀胡入財賄類又如隱三年

君氏卒左氏謂隱公之母聲子公穀作尹氏尹氏者天子之大夫也胡氏據公穀亦作尹氏今依左氏本入魯夫人薨類復依公穀胡入王臣卒類

經有一白數義者如文二年作僖公主按經義作主入廟分入工作祠祀二類又如文三年晉陽處父帥師伐楚以救江分入伐救二類又如大雩義兼旱祭分入災荒祠祀二類又如西狩獲麟分入怪變田獵獲三類

二類

經有一事兼數義者如僖四年公會齊侯宋公陳侯衛侯鄭伯許男曹伯侵蔡潰遂伐楚次于陘傳謂有鐘鼓曰伐無鐘鼓曰侵民逃其上曰潰次止也分入侵伐潰次四類又如定四年蔡侯以吳子及楚人戰于柏舉楚師敗績傳謂師能左右之曰以皆陳曰戰太崩曰敗績分入以師戰陳敗績三類又如僖十五年公會齊侯宋公陳侯衛侯鄭伯許男曹伯盟于牡邱遂次于匡公孫敖帥師及諸侯之大夫救徐分入會盟次救二類又如僖十六年春王正月隕于宋五月六鷁退飛過宋都按隕石隕星也入恒星不見類六鷁水鳥也入鷁鴿來巢類

有數句而各不互異者如莊二十四年曹羈出奔陳赤歸于曹郭公杜註羈曹世子

赤曹僖公也郭公經闕誤也公羊穀梁謂赤者郭公也郭公者失地之君也今於出奔

類依杜註以羈奔赤歸入曹國一類復依公穀以赤歸郭公另纂一條

經有一事踰時者如成十四年秋叔孫僑如如齊逆女九月僑如以夫人婦姜氏至自齊

又如定十年秋宋公子地出奔陳冬宋公子辰暨仲佗石疆出奔陳俱聞有異言

各摘出彙入昏姻出奔類

經有一事踰年者如昭二十二年劉子單子以王猛入于王城二十三年尹氏立王子朝

二十六年天王入于成周今按年摘出彙入立入二類又如昭二十五年公孫于齊次

于陽州二十六年公至自齊居于鄆秋公至自會居于鄆二十七年公如齊公至自齊

居于鄆冬公如齊公至自齊居于鄆二十八年公如晉次于乾侯二十九年公至自齊

侯居于鄆公如晉次于乾侯三十年公在乾侯三十二年公在乾侯公薨于乾侯今按

年摘出彙入出奔次至居在類并分入喪葬類又如哀二年晉趙鞅帥師納衛世子

賸于戚十六年衛世子蒯賸自戚入于衛今按年摘出彙入納類

經有一句而各傳詳略互異者如桓三年有年宣十六年大有年公羊謂有年以喜書大有年亦以喜書也穀梁謂五穀皆熟為有年五穀大熟為大有年獨胡氏謂桓三年國十有八年獨此二年書有年他年之穀可知也先儒不刊之論固當存故依公羊入慶祥經類復依胡氏以他年之穀入災荒傳類又如桓六年蔡人殺陳佗左氏謂厲公祭出也故蔡人殺五父而立之公羊謂淫乎蔡蔡人殺之穀梁謂獵于蔡蔡人殺之今以三傳並入刑戮經類復依公穀分入姦淫田獵傳類又如莊二年夫人姜氏齊侯于禚左氏謂書姦胡氏謂莊公不能防閑其母失人子之道今依經入會盟類依左氏入姦淫傳類依胡氏入子孫傳類又如莊二十三年公會齊侯盟于扈公羊謂危之也胡氏謂要結姻好蓋莊公為姜所制使必娶于母家而齊女待年未及故莊公要結之今以公羊入會盟經類復依胡氏入昏姻傳類又如昭二十五年有鸚鵡來巢在氏謂書所無也并載

師已謂文之世豈豈有公在外野公在乾侯之

今鸚鵡來巢昭公將有出奔之辱而公羊亦曰記異也獨胡氏謂此公子宋有國之祥故以左氏公羊入怪變經類復依胡氏入慶祥傳類與宋仲子魯季友有文在手及鄭穆公夢蘭之事連類又如宣十一年楚子納公孫寧儀行父于陳左氏謂書有禮也胡氏又謂此二臣致亂之臣楚莊又使陳人用之故以左氏入經納類又以胡氏入任用傳類又如昭十八年宋衛陳鄭災左傳載鄭裨竈欲用瓘苴襪火子產不與亦不復火胡氏謂子產有令政以德消變故以左氏入崇信類又以胡氏入感召類又如哀十四年西狩獲麟左氏以為不祥公羊以為異獨胡氏謂春秋成而鳳麟至故以三傳並入經文之下復專以胡氏入感召類

經有一事而各傳互異者如桓八年祭魯遂逆王后于紀左氏曰禮也公穀二傳亦皆據昏姻立論獨胡氏引劉敞謂三公坐而論道其任重矣今命魯侯以昏姻之事則大夫可矣何必三公王以輕使為失祭公以遂行為罪故依經入昏姻類復依胡氏入任用傳類與靈王使劉定公賜齊侯命連類以參考得失又如昭十一年楚師滅蔡執蔡

世子有以歸用之左氏謂五牲不相為用况用諸侯乎蓋用之殺以祭山也而公羊謂用之防也蓋以築防也今分入滅執刑戮祠祀經類復依公羊入工作傳類又如昭二十五年七月上辛大雩季辛又雩左氏謂書再雩旱甚也穀梁胡氏傳義相同公羊訓雩為旱祭獨於是年謂又雩者非雩蓋聚眾以逐季氏今依各傳分入災荒祠祀二類復依公羊入放黜傳類與逐東門氏逐叔孫僑如連類所謂見無禮於其君者誅之如鷹鷂之逐鳥雀也

經有一事而傳註詳略互異者如莊元年王使榮叔東錫桓公杜註追命桓公褒稱其德公羊謂命者加我服也今依杜註入爵命類復依公羊入輿服傳類又如僖三年六月雨穀梁謂喜雨也公羊傳註謂賢君精誠之應按詩稱僖公儉以足用寬以愛民務農重穀則誠賢君也故依穀梁入慶祥類復依公羊註入感召傳類與子產以德消變連類又如僖八年禘于大廟用致夫人杜註致者致新主於廟公羊謂致者不宜致也譏以妾為妻也今各依傳註分入祠祀昏姻二類

經有諱書而傳直書其事者如莊三十二年子般卒左傳謂共仲殺之不書殺諱之也文十八年子卒左傳謂襄仲所弑不書弑諱之也今依經入喪葬類復依傳入弑逆傳類又如僖元年夫人姜氏薨于夷左傳謂共仲通于哀姜哀姜欲立之閔公之死也哀姜與知之故齊人取而殺之于夷不言齊人殺諱之今依經入喪葬類復依傳分入姦淫

刑戮傳類

經有諱而不書傳特書者如左傳襄四年邾人莒人伐鄆臧紇救鄆侵邾敗於狐駘不書諱之今依傳分入征伐救侵敗績傳類

經文有闕漏而傳備載者如成十三年公自京師遂會晉侯齊侯宋公衛侯鄭伯曹伯邾人滕人伐秦左傳謂晉師以諸侯之師及秦師戰于麻隧秦師敗績戰敗績不書經文闕漏今依經入征伐類復依傳分入戰陳敗績傳類

經文有全闕而傳文獨存者如左傳桓六年諸侯之大夫成齊杜註魯親班齊饋則亦使大夫成齊矣經不書蓋闕文今依註入戍守傳類又如左傳成二年公會晉師于上

鄭不書史闕今依傳入會盟傳類

經有例所不書者按昭三十二年經林諸侯有事于京師皆不書僖十三年十六年成周不書襄二十四年城周不書今各依左傳入戍守工作傳類以著侯伯宣力王室之

常職

經有因不告不赴而不書者如左傳隱元年紀人伐夷不告故不書莊十八年虢公晉侯

鄭伯使原莊公逆王后于陳不告故不書又如左傳文九年晉箕鄭等使賊殺先克不

赴故不書今各依傳入征伐昏姻刑戮傳類

經有因非公命非國命而不書者如左傳隱元年費伯城郎不書非公命也成二年孫桓

子臧宣叔如晉之師皆不以國命故不書今各依傳入工作乞師傳類

經有因微賤而不書者如左傳宣十八年公使如楚乞師不書微者行又如襄元年彭城

降晉不書賤略之今各依傳入乞師降服傳類

有經所不盡書而其義未聞者如成二年齊侯伐我北鄙按左傳齊侯伐我北鄙圍龍

公之嬖人盧蒲就魁門焉三日取龍遂南侵及巢邱註謂取龍侵巢邱不書其義未聞

今依經入征伐類復依傳分入圍門取侵傳類

有經所不書而其義未聞者如左傳襄十年楚子囊鄭子且侵我西鄙註諱而不書其義

未聞今依傳入侵類又如左傳襄二十六年齊烏餘襲我高魚克而取之註無所諱而

不書其義未聞今依傳分入襲克取傳類

傳有先經始事者即入經文之下其有傳義他及者則另入傳類如莊八年左傳鮑叔牙

奉公子小白出奔莒管夷吾召忽奉公子糾來奔此為莊九年公伐齊納子糾齊小白

入于齊傳也即入九年納入經類文十二年左傳晉甲不肯薄秦於險為宣元年晉放

胥甲傳也即入宣元年放黜經類又如隱七年陳侯請妻鄭公子忽鄭伯許之乃成昏

桓六年齊侯欲以文姜妻鄭太子忽太子忽辭俱為鄭忽失齊昏援致十一年失奔傳

也入昏姻傳類又如莊三十二年有神降于莘為僖二年晉滅下陽傳也入怪變傳類

又如僖十二年諸侯懼狄難城衛楚邱為明年狄侵衛傳也入工作傳類又如僖二十

一年子魚謂宗襄貪諸侯禍尚未已為二十二年戰泓傳也入識慧傳類又如僖三
十三年臧文仲謂齊猶有禮君其朝焉為公如齊傳也入禮樂傳類又如文元年公孫
敖聞內史叔服能相人見其二子為公孫敖奔莒傳也分入技能年貌傳類又如文元
年秦伯復使孟明為政為明年秦晉戰彭衙傳也入任用傳類又如成六年晉遷于新
田為季孫如晉傳也入遷徙傳類又如成十四年孫文子其蓋晉大夫欲以為援為襄
十四年衛侯出奔傳也入朋友親故傳類又如昭九年鄭裨竈謂五年陳將復封為十
三年陳侯吳歸于陳傳也入術數傳類
傳有後經終義者亦即入經文之後其有傳義他及者亦另入傳類如定八年單子劉子
討僖嗣之黨以定王室蓋終王室之事也即入經文昭二十二年王室之後又如昭二
十年衛侯賜北宮喜析朱鉏謚而以齊氏之墓予之蓋終齊豹殺衛侯兄之事也又入
喪葬傳類蓋原始要終者經據傳貫而通之似無不可
傳有依經辨理者如襄十五年劉夏逆王后于齊左氏謂卿不行非禮也公羊謂外逆女

不書此何以書過我也僖二十八年公會晉侯齊侯宋公蔡侯鄭伯衛子莒子盟于澠
土穀梁曰諱會天王也凡此類俱即入昏姻會盟經文之下以考書法
傳有錯經合異者經從告傳言實也襄二年鄭師伐宋左傳謂鄭師侵宋今依經入征伐
經類復依傳入侵傳類又如僖十八年宋曹伯衛人邾人伐齊左傳宋襄公以諸侯
伐齊今依經入征伐類復依傳入以師傳類
凡經無義例而傳釋其所以者則入經文之下其有傳義他及者亦另入傳類如莊十年
齊師滅譚左氏謂譚無禮也依經入滅類復依傳入禮樂傳類莊三十二年城小穀左
氏謂為管仲也依經入工作類復依傳入旌異優恤傳類襄六年莒人滅鄆左氏謂鄆
恃賂也依經入滅類復依傳入財賄傳類襄二十一年會于商任左氏謂錮樂氏也二
十二年會于沙隨左氏謂復錮繼氏也依經入會盟類復依傳入禁令傳類襄三十年
宋災宋伯姬卒左氏謂待姆也依經入災荒喪葬類復依傳入師傳傳類
凡得失小經無異文而傳備其事者分纂經傳二類如隱二年莒人入向左氏謂莒子娶

于向姜不安莒而歸莒人入向以姜氏還依經入入類復依傳入昏姻傳類

凡經無正文傳之所廣記而備言者悉入傳類如左傳隱九年北戎侵鄭入傳類又如

左傳莊二十二年陳公子完與顛孫奔齊齊侯使敬仲為工正飲桓公酒初懿氏卜妻

敬仲其妻占之吉其少也周史筮之遇觀之否此因陳完有禮于齊子孫世不忘德故

傳備言其終始依傳分入出奔任用饗射術數傳類

夏五郭公杜註皆以為闕文而郭公穀皆以為失地之君惟夏五公羊曰無聞焉爾穀

梁曰傳疑也胡氏亦謂疑而不益見聖人之慎也於事類無取故未纂入

春秋無事必書首月具四時以成歲也如春王正月春正月夏四月夏五月秋七月冬十

月之類於事類無取亦未纂入

獲大城曰入國逆而立之曰入自外而入曰入有三義故征伐即位出奔俱有入類

次于聶北救邢此師旅之次也公孫于齊次于陽州此奔亡之次也故次有二類

他國立之曰納公伐齊納子糾之類是也納者納黨與也楚子納公孫寧儀行父于陳之

類是也故即位出奔俱有納類

凡事類繁多如會盟征伐之類公會王人作一類公會某公某侯又另起

一國之後又纂一國亦另起

每國每一事悉以單圈○隔之

凡事類無多如有年止三事其下即纂喜雨則以雙圈◎隔之

凡感召術數改退舍行成禁令旌異優恤任用徇縱攝位讓國封建分屬附庸私邑形勢

諸侯為王卿士仕他國致仕隱避父子孫兄弟夫婦師傅朋友親故忠良孝弟學業

一識慧技能年貌辭令財賄等類事載於傳文不見經故但有傳類無經文書法

經止哀十四年獲麟左氏傳終哀公故事類依左氏纂至哀二十七年

春秋每一事必有終始如齊魯交兵始于突而終于艾陵又如隱七年天王使凡伯來聘

此周聘之始宣十年天王使王季子來聘周聘止此僖十年公如齊此魯朝齊之始宣

十年公如齊魯朝齊止此凡此春秋終始皆依註註入戰陳朝聘等各類

春秋經傳類求目錄

卷之一

慶祥

災荒

怪變

感召

術數

崇信

黷慢

卷之二

昏姻

朝聘

春秋經傳集解

會盟

爵命

輿服

饗射

卷之三

禮樂

名氏

祠祀

喪葬

卷之四

征伐

侵

襲

圍

門

攻

以師

戰陳

敗師

克

入

追逐

焚

墮

春秋經傳集解

目錄

二

取

以歸以來

卷之五

囚執獲止

獻捷歸俘

滅

退舍

師還

弗及

敗績

處宮

降服

行成

乞師

棄師

次救

田獵講武

卷之六

巡狩

告朔

禁令

賦役

工作

旌異優恤

任用

考績

起復

放黜削奪

暴虐失道

狗縱

卷之七

即位

立

納

入

攝位

讓國

無君

卷之八

出居

出奔

去

次

至

居

在

如

歸

復

入

納

逃

奔命

僑寓

卷之九

戍守

遷徙

潰散

亡失

邊界

封建

分屬

附庸

私邑

形勢

諸侯為王卿士

兼官

攝位

仕他國

沉淪

持祿

致仕

隱遯

卷之十

父母

子孫

兄弟

夫婦

師傅

朋友親故

忠良孝弟

學業

識慧

技能

年貌

卷之十一

叛亂

弑逆

姦淫

刑戮

卷之十二

辭令

財賄

君臣世代

小國

官職

地名

春秋經傳類求同校姓氏

過 翊輔仔

過向淳依宗

谷 英也宜

徐宗靖仙李

江嘉霖雨亭

過張耀自激

徐元晉春圃

徐仁立次言

過建章西巖

過元暉容在

曹淳然伊耕

徐仁顯尹彰

江嘉謨勉亭

陸廷勳方輿

徐 灼寓庸

過元時義受

過興慶映萼

孫 儼勝恩

周存義士毓

過元收穆君

過華清日永

葛恩榜耀椿

徐 斝拙菴

過元昉東始

江嘉閻思閔

過 翁雪槎

江嘉誼正其

春秋列國圖說

宋眉山蘇 軾子瞻著

傳稱武王克商光有天下兄弟之國者十有五人姬姓之國者四十人爵五品而土三等公侯百里伯七十里子男五十里不滿為附庸蓋千八百國周室既衰轉相吞滅數

百年間列國耗盡春秋之世見於經傳者總一百二十四國

魯晉楚齊秦吳越宋衛鄭陳蔡邾曹許莒杞滕薛小

邾息隨虞北燕紀巴鄧郟徐鄆芮胡南燕州梁荀賈凡祭宿鄆原夔舒鳩滑邾黃羅邾魏霍邾鄭瞞向偃陽韓舒庸焦楊夷中密耿麋萊眩頓沈穀譚舒邳白狄賴肥鼓戎蠻

唐潞江鄆權道桓武軫絞蓼六遂崇戴冀温厲項英氏介巢盧根牟無蠻夷戎狄不在

其間若夫二百四十二年之中朝會盟聘圍伐滅入孔子筆之於經正明公穀發明於

傳至今猶想見其處今掇取其尤著者附次於後舊圖引晉地理志云見於經傳者百七十國以夏商時諸侯斟尋過戈豕

韋之類並列其間蓋前史誤今以左傳漢書春秋纂例參定之

春秋經傳類求卷之一

常熟孫從添石芝

纂輯

長洲過臨汾東岡

歙縣吳禧祖惺夫校定

慶祥

書法

五穀皆熟為有年

桓三年穀梁傳

以喜書

桓三年公羊傳

有年僅有年也

大有年

大豐年也

桓三年公羊傳

雨

月志正也

雨得其時則月隱九年穀梁傳

事類

經

桓三年有年穀梁曰五穀皆熟為有年也公羊曰有年何以書以喜書也大有年何以書亦以喜書也此其曰有年何僅有年也彼其曰大有年何大豐年也僅有年亦

足以當喜乎恃有年也胡氏曰舊史災異與慶祥並記故有年大有得見於經若舊史不記聖人亦不能附益之也然十二公多歷年所有務農重穀閔雨而書雨者豈無豐年而不見於經是仲尼於他公皆削之矣獨桓有年宣大有年則存而不削者緣此二公獲罪於天宜得水旱凶災之譴今乃有年則是反常也故以為異物存耳然則天道亦僭乎桓宣享國十有八年獨此二年書有年他年之歉可知也而天理不差信矣此一事也在不修春秋則為慶祥君子修之則為變異是聖人因魯史舊文能立興王之法也故史文如畫筆經文如化工嘗以是觀非聖人莫能修之審矣有年大有年自先儒說經者多列於慶瑞之門至程氏發明與旨然後以為記異此得於言意之表者也○宣十六年大有年穀梁曰五穀大熟為大有年胡氏曰程氏曰大有年記異也旱乾水溢饑饉薦臻者災也山崩地震彗孛飛流者異也景星甘露醴泉芝草百穀順成者祥也大有年上瑞矣何以為記異乎凡災異慶祥皆人為所感而天以其類應之者也人事順於下則天氣和於上宣公弒立逆理亂倫

水旱蟲稼饑饉之變相繼而作史不絕書宜也獨於是冬乃大有年所以為異乎大有年大有年一耳古史書之則為祥仲尼筆之則為異此言外微旨非聖人莫能修之者也○僖三年六月雨穀梁曰雨云者喜雨也喜雨者有志乎民者也胡氏曰閔雨與民同其憂喜雨與民同其樂此君國子民之道也觀此義則知春秋有懼天災恤民隱之意隱九年穀梁曰雨月志正也雨得其時則月

傳

隱元年左氏曰宋武公生仲子有文在其手曰為魯夫人故仲子歸于我杜註○閔二年左氏曰成季季友公母弟莊生有文在其手曰友遂以命之遂以為名○昭三十五年有鸚鵡來巢胡氏曰或曰此公子宋定公襄公之子昭公之弟有國之祥也○宣三年左氏曰鄭文公賤妾燕姑夢天使與已蘭曰以是為而子既而文公見之與之蘭而御之生穆公名之曰蘭石癸曰吾聞姬姑耦姑姓宜為姬配耦姑南燕姓其子孫必蕃姑吉人也后穆之元妃也姑姓之女為后穆妃周是以與故曰吉人今公子蘭姑甥也其後必蕃○僖二十三年左氏曰晉公

子重耳之及於難也五年晉侯殺其世子申過衛乞食於野人野人與之塊公子怒

欲鞭之子犯狐偃曰天賜也得土有國之祥稽首受而載之重耳聞狐偃之言乃稽首禮謝受所

子土而昭元年左氏曰當武王邑姜武王后齊大公之女方震懷胎大叔成王之夢帝天謂

已余命而子曰虞將與之唐而蕃育其子孫及生有文在其手曰虞遂以命之及成

王滅唐而封大叔焉叔虞封唐是為晉侯昭十三年左氏曰共王楚有寵子五人乃大有事

于羣望星辰而祈曰請神擇于五人者使主社稷乃徧以璧見於羣望曰當璧而拜

者神所立也既乃與巴姬共王密埋璧於大室祖之庭使五人齊而長入拜從長幼

康王跨之過其上也襄十三年共王靈王肘加焉昭元年楚圍弒邲救而自立是為靈王十三年靈王弒平王立

子千子皆皆遠之平王弱抱而入再拜皆厭紐微見璧紐以為審識鬪韋龜今尹屬成然焉

成然韋龜子知其將立故託其子

災荒

書法

五穀不升為大饑襄二十四年穀梁傳饑以重書也宣十年公羊傳兩書饑示後世不可不敦本宣十五年

先言無麥而後言無苗莊七年公羊傳無麥苗同時也穀梁傳無麥苗記災也重民命也莊七年

羊傳大者有顧之辭也於冬無木而後顧及無麥故言大明不收甚莊二十八年穀梁傳大無者倉廩皆竭之詞也莊

十八年胡傳不雨不書旱不為災莊三十一不雨記異也莊三十一不雨者勤雨也言不雨

雨之心勤僖二年穀梁傳一時不雨則書首月僖三年一時言不雨者閔雨也僖三年不雨之日

長而無災故以異書文二年公羊傳歷時而言不雨不憂雨也文二年書不雨而止見無意於

雨文二年秋大雩書不時也桓五年言雩則早見桓五年言雩記災也桓五年雩祭特

謂之大桓五年大雩過時故書僖十一年雩月正也僖十一年得雨曰雩不得雨曰旱僖

一年穀梁傳雖秋雩非書過也襄五年旱何以書記災也僖二十一年旱時正也一月必歷時非

書時為正僖二其以大旱書者或不雩或雖雩而不雨也宣七年無冰書冬温成元

註終時無冰則志成元年未終時而言無冰終無冰矣成元年無冰書時失桓十四無

冰記異也桓十四霜當微而重重而不能殺草書時失也僖三十三年可殺而不殺舉

輕也輕謂草也輕者不實之為言猶實也實子也實霜殺菽記異也定元年未

可以殺而殺舉重也定元年穀梁傳雨木冰記寒過節成十六年雨木冰記異也成十六年書始

雨日隱九年左大雨霖以震大雨雪書時失也隱九年大雨震電大雨雪記異也不時

也始怒甚也始怒甚猶太甚也大變故謹而日之也隱九年凡雨自三日以往為霖

記異也僖十年當雪而電故以為災而書之昭四年晦者何冥也僖十五年晦記異也

平原廣平出水為大水凡廣平之原皆出水則為水高下有水災曰大水桓

外災何以書及我也時魯亦有水災故詭例書外凡外災告則書莊十一年公羊傳

故書莊十一年外災何以書王者之後也莊十一年凡外災告則書莊十一年螟為災故書

蟲災甚則月不甚則時甚則即盡不及歷月蠡為災故書桓五年雨隊而死也

雨者死而墜也為王者之後記異也文三年外災何以志災甚也文

有蠶為災也莊十八年有蠶記異也公羊傳一有

二亡曰有莊十八年魯所無故以有書莊十八年不為災不書不為田野之害蠡螟一物

之變必書於策宣六年蠶未為災不為物害喜而書之宣十五年蠶生何以書幸之也

猶曰受之云爾言於災後能受過變曰蠶非災也宣十五年秋蠡未息父文生子

災重及民而詳志之宣十五年蠶何以書不時也哀十二年慶多則害五稼故以災書莊

雨者非雨也莊七年失變而錄其時失星變之始而錄其已不曰恒星之隕不知其

隕也莊七年著於下不見於上謂之隕莊七年如雨者言眾也莊七年見星之隕而墜

於四遠不見在地之驗僖十六年星孛妖變非常故書昭十七年于大辰者濫于大辰也大辰

域也明斗有規郭入其魁中星孛妖變非常故書昭十七年于大辰者濫于大辰也大辰

火也不曰孛于大火而曰大辰者謂濫于蒼昭十七年有星孛于東方見于旦也復見故言東方

知為且哀十不言宿名者不加宿也昭十七年隕石隕星也僖十六年寶石記聞僖十六年

傳先隕而後石何也隕而後石也僖十六年石無知故日之石無知而隕必天使之然

春秋經傳類求

卷一 災荒

四

穀梁傳 震何以書記異也大之也僖十五年不曰廟震而曰震廟天應之也僖十五年地以

動為異故書文九年地震故謹而日之文九年崩何以書記異也僖十四年外異何以

書為天下記異也僖十四年邑言崩襲穀梁傳邑也僖十四年災害繫於所災所害

故不繫國僖十四年無崩道而崩故志之穀梁傳山崩何以書大也成五年無崩道

而崩故謹而書日成五年山崩不日高者有崩道也穀梁傳大室屋壞書不共也簡

宗廟使至傾頹故書以見臣文十三年左傳 人火曰火天火曰災宣十六年主災者後言之不以微及大

也定二年毀廟言災復立也哀三年不言及敵也親過高祖親疏適等故社有屋故言

災哀四年穀 外災何以書新周也示周不復興故黜而新周災不志以樂器之所藏目

之貴其器宣十 以宗廟之重書之宣十六年大災來告故書莊二十年大災者何大瘠

也非火災莊二 大者曰災小者曰火襄九年內不言火者甚之也春秋以內為天

自克責故小有火如大襄九年外災志故猶先宋也孔子之先宋人陳已滅矣言陳火存陳

也若曰陳為天所存國曰災邑曰火昭九年亡國有天災春秋書於策昭九年災何以

書異其同日而俱災也昭十八年麇鼠食郊牛角不言日急辭也辭中從急過有司也

不能防災禦患致使牛傷昭十八年麇鼠又食其角又有繼之辭也其緩辭也曰亡乎人矣非人

之所能也所以必有司之過也至復食乃知國無賢君天災之爾非有司稱牛未卜日

經註 郊牛之口傷言之緩也食角不言之辭問容之故為緩不麇鼠食郊牛牛死不

言所食處舉死重也定十五年不言其所食漫也徧食其身災不敬也麇鼠食郊牛角改

卜牛志不敬也哀元年牛傷不言傷之者傷自牛作也故其辭緩哀元年全曰牲傷曰

牛未牲曰牛哀元年日食何以書記異也隱三年某月某日朔日有食之者食正朔也

日月之行無遲疾食不失正朔也隱三年公羊傳 其或日或不日或失之前或失之後失之前者朔在前也日

疾月行遲過朔乃失之後者朔在後也日行遲月行疾未至朔而食失言日不言朔食

晦日也隱三年穀梁傳 日有食之何也有食之者也必有物食之有內辭也隱三年其不言

食之者何知其不可知也隱三年日每食必書示後世治曆明時之法遇災而懼之

意也隱三年既者盡也桓三年既者有繼之辭也盡而復生謂之既不言月食日而以

自食為文闕於所不見桓三年經杜註日食必以書朔日為例桓十七年經杜註不書官失之也官日
失其甲乙之日○言朔不言日食既朔也盡朔一日至明日乃食不書朔夜食
桓十七年左傳也日始出而有虧傷之處是以知其夜食不書朔官失之僖十二年經註
也諸侯朝朔莊十八年穀梁傳

事類

宣十年饑經註有水災嘉穀不成公羊曰何以書以重書也○宣十五年饑經註風雨不和五稼不豐胡氏曰春秋饑歲多矣書于經者三而宣公獨有其二何也古者三年耕餘一年之畜九年耕餘三年之食雖有凶旱民無菜色是歲雖蝻蝻而遠至於饑者宣公為國務華去實虛內事外煩於朝會聘問賂遺之末而不敦其本府庫竭矣倉廩匱矣水旱蝻蝻天降饑饉亦無以賑業貧之矣經所以獨兩書饑以示後世為國之不可不敦本也○襄一十四年大饑林註大饑者一穀梁曰五穀不升也為大饑一穀不升謂之嗛不足二穀不升謂之饑三穀不升謂之饑四穀不升謂之康虛五穀不升謂之大侵傷大

侵之禮君食不兼味臺榭不塗弛廢侯射侯廷道不除廷內道不修除也百官布而不制職
修列不可闕廢鬼神禱而不祀此大侵之禮也胡氏曰古者救災之政若國凶荒或不更有造作也
發廩以賑乏或移粟以通用或徙民以就食或為粥溢以救餓孽或興工作以聚失業之人緩刑舍禁弛力薄征索鬼神除盜賊弛射侯而不燕置廷道而不修殺禮物而不備雖有旱乾水溢民無菜色所以備之者如此其至是年秋有陰沴之災而冬大饑蓋所以賑業之者有未備矣故書之以為戒○哀十四年饑○莊七年無麥苗今五月周之秋平地出水左氏曰無麥苗不害嘉穀也黍稷尚可更種公羊曰無苗漂殺熟麥及五稼之苗左氏曰無麥苗不害嘉穀也故曰不害嘉穀
則曷為先言無麥而後言無苗一災不書待無麥然後書無苗何以書記災也穀梁曰麥苗同時也麥與黍稷之苗同時而死胡氏曰書無麥苗重民命也重民命見王者之心矣春秋所以謹之也○莊二十八年大無麥禾書於冬者五穀畢入左氏曰冬饑經書大
傳言穀梁曰大者有顧之辭也於無禾及無麥也一災不書於冬無禾而後顧胡氏曰麥熟於夏禾成在秋而書於冬者莊公惟宮室臺榭是崇是飾費用浸廣調度不

充有司會計歲入之多寡虛實然後知倉廩之竭也故於歲杪而書曰大無麥禾大
無者倉廩皆竭之詞也古者三年耕餘一年之食九年耕餘三年之食今莊公享國
二十八年當有九年之積而虛竭如此所謂寄生之君也民事古人所急食者養民
之本不敦其本而肆侈心何以為國故下書臧孫告糴以病公而戒來世為國之不
知務也○莊三十一年冬不雨杜註不書公羊曰何以書記異也○僖二年冬十月
不雨公羊曰何以書記異也穀梁曰不雨者勤雨也言不雨是欲得雨之心勤○僖三年春王正
月不雨夏四月不雨杜註一時不雨則書首月左氏曰自十月不雨至于五月不日旱不為災種五稼無損夏六月雨公羊曰何以書記異也穀梁曰不雨者勤雨也一時言不雨者閔雨也
閔雨者有志乎民者也文二年自十有二月不雨至于秋七月傳歷時而言不雨文不憂雨也此憂雨故時時別言之○文一年自
十有二月不雨至于秋七月周七月今五月也不雨足為災不書旱五穀猶有收公羊曰何以書記異也大旱
以災書此亦旱也曷為以異書大旱之日短而云也言災言有也故以災書此不雨之日
長而無災故以異書也穀梁曰歷時而言不雨文不憂雨也傳公憂民歷一歲不雨今歷四時乃書是

不勤雨也不憂雨者無志乎民也胡氏曰書不雨至于秋七月而不日至于秋七月不雨
者蓋後言不雨則是冀雨之辭非文公之意也夫書不雨至于秋七月而止即八月
嘗雨矣然而不書八月雨者見文公之無意於雨不以民事繫憂樂也僖三年胡氏
曰按詩稱僖公儉以足用寬以愛民務農重穀則誠賢君也其有志乎民審矣故冬
不雨而書春不雨而書夏不雨而書以著其勤也文公以練祭則緩於作主以宗廟
則世室屋壞以賦政則四不視朔以邦交則三不會盟其無志乎民亦審矣故自十
有二月不雨至于秋七月而書自正月不雨至于秋七月而書以著其慢也○文十
年自正月不雨至于秋七月杜註義與二年同穀梁曰歷時而言不雨文不閔雨也不閔雨
者無志乎民也○文十三年自正月不雨至于秋七月杜註義與二年同○桓五年大雩林
書大雩之始左氏曰秋大雩書不時也矣龍見之時凡祀言凡祀通下三句啟蟄夏正建寅之月而郊
祀天龍見建巳之月而雩蒼龍宿之體昏見東方萬物始成待始殺建酉之月而嘗陰氣始殺
故薦嘗於宗廟閉蟄之月而烝薦者衆故烝祭宗廟過則書過次節則書以譏慢也公羊曰大雩者

何旱祭也零請兩祭名君親之南郊以六事謝過自責曰政不一與民失職與宮室崇與婦謁威與苞直行與讒夫倡與使童男女各八人舞而呼零故謂之

零然則何以不言旱言零則旱見言旱則零不見何以書記災也胡氏曰大零者零

于上帝用盛樂也諸侯零于境內之山川爾魯諸侯而大零欲悉書于策則有不勝

書故零祭則因旱以書而特謂之大此皆國史所不能與君子以謂性命之文是也

○僖十一年秋八月大零過時穀梁曰零月正也零得雨曰零不得雨曰旱○僖十

三年秋九月大零經註書過○成三年秋大零經註以過時書○成七年冬大零經

註書過穀梁曰零不月而時非之也冬無為零也○襄五年秋大零左氏曰旱也零

祭所以祈甘雨若旱則又修其禮故雖秋零非書過也然經與過零同文是以傳每釋之曰旱也零而獲雨故書零而不書旱○襄八年秋九月大

零左氏曰旱也○襄十六年秋大零經註書過○襄十七年九月大零經註書過○

襄二十八年秋八月大零左氏曰旱也為旱而零非過時也○昭三年八月大零左氏曰旱也

○昭六年秋九月大零左氏曰旱也○昭八年秋大零經註不早而秋零過也○昭

十六年九月大零左氏曰旱也○昭二十四年秋八月大零左氏曰旱也○昭二十

五年秋七月上辛大零季辛下省之又零言入事左氏曰秋書再零旱甚也柱註傳言再零

以旱甚故非過時旱祭也公羊曰又零者非零也聚眾以逐季氏也穀梁曰季者有中之辭也又

有繼之辭也胡氏曰左氏以再零為旱甚聖人書此者以志禦災之非道而區區於

禱祠之末也昭公之時雨雹地震四見於經旱乾為虐相繼而起有鸛鶴來巢異之

甚也季辛又零災之甚也考諸列位則國有人焉觀諸天時則猶眷顧之心未終棄

也若反身修德信用忠賢災異之來必可禦矣昔高宗彤日雉升鼎耳異亦甚矣聽

於祖已克正厥事故能嘉靖殷邦享國長久宣王之時旱魃蘊隆災亦甚矣側身修

行遇災而懼故能興衰撥亂王化復行此皆以人勝天以德消變之驗也昭公至是

猶不知畏周克自省而求於禱祠之末將能勝乎故特書此以為後世鑒○定元年

九月大零過也穀梁曰零月零之正也秋大零非正也冬大零非正也秋大零零之為

非正何也毛凡地所生謂之毛澤未盡言秋百穀之潤澤未盡也人力未竭未可以零也零月零之正也

月之為零之正何也其時窮人力盡然後零零之正也何謂其時窮人力盡是月不

雨則無及矣是年不艾則無食矣是謂其時窮人力盡也雩之必待其時窮人力盡

何也雩者為早求者也求者請也古之人重請何重乎請人之所以為人者讓也請

道去讓也則是舍其所以為人也是以重之焉請哉請乎應上公古之神人有應上

公者通乎陰陽君親帥諸大夫道之道之為君而請焉禱辭曰方今大旱野無生

敢煩民請命願撫萬民以夫請者非可詒託借猶假而往也必親之者也是以重之○

定七年秋大雩經註過也○九月大雩經註過也○定十二年秋大雩經註書過○

僖二十一年夏大旱雩不獲雨故書旱自左氏曰夏大旱公欲焚巫尪杜註女巫也

者或以為厄非巫也瘠病之人其面上向俗謂天哀其病恐雨入臧文仲曰非旱備

也修城郭饑民得省用去歲務穡以稼穡為先務如勸富民分財此

其務也此五者備早之先巫尪何為天欲殺之則如勿生若能為旱焚之滋甚則逆

天意將愈甚其早公從之是歲也饑而不害以饑民得食賑恤有公羊曰何以書記災也穀

梁曰旱時正也早必歷時非一月○宣七年大旱書旱而不書雩雩無功或不雩胡氏曰公與齊侯

俱不務德合黨連丘姓強陵弱夏公會齊侯伐萊軍旅之後必有凶年言民以征役怨咨

之氣感動天變而旱乾作矣其以大旱書者或不雩或雖雩而不雨也不雩則無恤

民憂國之心雩而不雨格天之精意闕矣○桓十四年無冰書時公羊曰何以書記

異也穀梁曰無冰時燠也春正胡氏曰按鷓風七月周公陳王業之詩也其詞曰二

之日鑿冰冲冲三之日納于凌陰四之日其蚤獻羔祭非周官凌人之職頒冰於夏

其藏之也固陰沍寒於是乎取其出之也實食喪祭於是乎用藏之周用之徧亦理

陰陽天地之一事也今在仲冬之月燠而無冰則政治縱弛不明之所致也故書于

策夫春秋所載皆經邦大訓而書法若此其察於四時寒暑之變詳矣○成元年無

冰周二月今之十二穀梁曰終時無冰則志此未終時而言無冰何也終無冰矣加

之寒之辭也此月既是常寒之月於寒之中又如胡氏曰寒極而無冰者常燠也按

洪範傳曰豫恒燠若此政事舒緩紀綱縱弛之象成公幼弱政在三家公室不張其

象已見故當固陰沍寒而常燠應之策書所載雨雹冰雪何以悉書天人一理也萬

物一氣也觀於陰陽寒暑之變以察其消息盈虛此制治於未亂慎於微之意也○

襄二十八年春無冰前年知其再失閏頓置兩閏以應天正故此年正月建子得以無冰為災而書○僖三十三年隕霜不

殺草李梅實杜註書時失也周十一月今九月霜當微而重重而不能殺草所以為災公羊曰何以書記異也何異爾不

時也殺梁曰未可殺而殺舉重也謂定元年隕霜殺殺也可殺而不殺舉輕也謂草也則重者可

知實之為言猶實也實子胡氏曰哀公問於仲尼曰春秋記隕霜不殺草何為記之

也曰此言可殺也夫宜殺而不殺則李梅冬實天失其道草木猶干犯之而况君乎

是故以天道言四時失其序則其施必悖無以統萬象矣以君道言五刑失其用則

其權必喪無以服萬民矣哀公欲去三桓張公室問社於宰我宰我對以使我戰栗

蓋勸之斷也仲尼則曰成事不說既往不咎其自與哀公言乃以為可殺何也在聖

人則能處變而不失其常在賢者必有小貞吉大貞凶之戒矣其論隕霜不殺草李

梅冬實蓋除惡於微慮患於早之意也○定元年冬十月隕霜殺菽周十月今八月隕霜殺菽非常

吳公羊曰何以書記異也此災菽也曷為以異書異大乎災也異者可以為人戒也重異不重災君子

以貴教化而賤刑罰也 穀梁曰其曰菽舉重也胡氏曰其多則刑罰不中之應○成十六年春

王正月雨木冰記寒過節水封著樹公羊曰雨木冰者何雨而木冰也何以書記異也未嘗少

大臣之象冰者疑陰兵之類也冰穀梁曰雨而木冰也雨若木成冰也傳曰根枝折○隱九

年三月癸酉三月今正月大雨震庚辰大雨雪左氏曰癸酉大雨霖以震書始也杜註

日林註經書大雨震電傳言霖以震庚辰大雨雪亦如之書時失也杜註夏之正月

震見自癸酉日始以後皆雨霖以震微陽始出未可

而電既震電又不當大雨雪故皆為時失林註霖震電凡雨自三日以往為霖此

經書霖也而經平地尺為大雪公羊曰何以書記異也何異爾不時也周之三月

始怒甚也始怒甚猶太甚也蓋師說以為平地七尺穀梁曰震雷也電霆也震者霹

名有霆必有雷故傳曰雷霆也庚辰大雨雪志疏數也疏數謂災有遠近遠八日之間再有大變陰

陽錯行故謹而日之也○桓八年冬十月雨雪今八月也公羊曰何以書記異也何

異爾不時也○僖十年冬大雨雪平地尺公羊曰大雨電何以書記異也○僖二十

九年秋大雨電左氏曰為災也周之秋今之五六昭三年冬大雨電記○昭四年

春王正月大雨雹當雪而雹故以左傳季武子問于申豐魯大夫曰雹可禦也乎對曰

聖人在上無雹雖有不為災古者日在北陸陸道也謂夏十月二日在虛危而藏冰冰堅而西陸朝

覲謂夏三月日在昴畢春而出之蟄蟲出而用水其藏冰也深山窮谷冰之所積固陰沍閉寒之

所於是乎取之必取積陰之冰所以其出之也朝之祿位賓食喪祭於是乎用之朝

之臣食祿在位者公私皆黑有事於水其藏之也黑牲黑牲以享司寒司寒玄冥北方之神故物皆用

故祭其神桃弧棘矢以除其災桃弓棘箭所以禳除凶邪將御至尊故其出入也時食肉

之祿謂在朝廷治其職事就官食者冰皆與焉大夫命婦大夫喪浴用水浴皆得用水祭寒而藏

之享司祭非始開冰室公始用之公先用火出而畢賦火星昏見東

中白命夫命婦至于老疾老致仕在家者無不受冰山人廣取之縣人屬傳之與人納之隸

人藏之與隸皆賤官夫冰以風壯水因風寒而堅而以風出順春風而散用其藏之也周密其用之也徧

疾疾一則冬無愆也陽謂冬夏無伏陰謂夏春無淒也風秋無苦雨霖雨為人雷出不

震也無雷霜雹惡氣疾不淫時和故厲民不夭短折天札為禮今藏川池之水既不

山窮谷棄而不用又火出不畢賦風不越散也而殺雷不發而震言陰陽失序雷之為

雷誰能禦之七月之卒章齋風藏冰之道也胡氏曰陰陽之氣和而散則為霜雪雨

露不和而散則為戾氣噎靈電戾氣也陰脅陽臣侵君之象當是時數月之間再有

大變申豐者季氏之孚也不肯端言其事故暴揚於朝歸咎藏冰之失夫山谷之水

藏之也周用之也徧亦古者本末備舉燮調之一事耳謂能使四時無愆伏凄苦之

變雷出不震無雷霜雹則亦誣矣意者昭公遇災而懼以禮為國行其政令無失其

民電之災也庶可禦也不然雖得藏冰之道合於豳風七月之詩其將能乎◎僖十

五年九月己卯晦公羊曰晦者何冥也◎成十六年六月甲午晦公羊曰晦者何冥

也何以書記異也◎桓元年秋夫水杜註書左氏曰凡平原廣平曰原出水為大水凡廣

原皆出水公羊曰何以書記災也穀梁曰高下有水災曰夫水◎桓十三年夏大水

也◎莊七年秋大水胡氏曰書大水畏天災也畏天災見王者之心矣春秋所以謹之

也◎莊二十四年大水◎莊二十五年秋大水鼓代鼓用牲于社用牲以于門國門

左氏曰非常也

失常禮

凡天災

日月食大水也

有幣無牲

祈請而已不用牲也

非日月之肯

日為青陰陽逆順之事

賢聖所重故特鼓之

公羊曰其言于社于門何于社禮也于門非禮也穀梁曰既

戒鼓而駭眾用牲可以已矣救日以鼓兵

謂伐鼓以責陰陳兵示禦侮

救水以鼓眾

謂擊鼓聚眾也

○宣十年大水○成五年秋大水○襄二十四年大水○莊十一年秋宋大水

公使弔之故書

左氏曰秋宋大水公使弔焉曰天作淫雨害於棗盛

黍稷為棗在器為盛言棗盛蓋以宗廟祭祀為

重若之何不弔

不為天所懲弔

對曰孤實不敬

不敬天地宗廟

天降之災又以為君憂拜命

之辱

謝辱厚命

臧文仲曰宋其興乎禹湯罪已其興也悖焉桀紂罪人其亡也忽焉

且列國有凶稱孤禮也

杜註列國諸侯無凶則常稱寡人常辭稱寡人而以降名稱孤得引咎自責之禮

言懼罪而名

禮其庶乎

於庶幾與

既而聞之曰公子御說

宋莊公之辭也

臧孫達曰是宜為君

御說立為

有恤民之心

百姓有過在予一人是恤民也故傳以宋引咎自責為恤民

宋君之後

公羊曰何以書記災也

外災不書此何以書及我也

時魯亦有水災書魯則宋災不見兩舉則煩文不省故詭例書

外以見

穀梁曰外災不書此何以書王者之後也胡氏曰凡外災告則書所謂災者

害及民物如火水兵戎之寇是也諸侯於四鄰有恤病救急之義則古為得禮而不

可以不弔故四國同災許人不弔君子以是知許之先亡也凡志災見春秋有謹天

戒恤民隱之心王者之事也

○隱五年螟

蟲食苗心者為災故書

公羊曰何以書記災也

物曰災異先事而至災隨事而至皆君行之所致也

穀梁曰蟲災也甚則月不甚則時

苗心曰螟食葉曰螽食節曰賊食根曰蝨國以民為本民以食為天詩去螟螽害稼

也春秋書螟記災也聖人以是為國之大事也故書而近世王安石乃稱為人牧者

不必論奏災傷之事亦獨何哉甚矣其不講於聖人之經以欺當年而誤天下與來

世也

○桓八年螟

為災故書

公羊曰螽何以書記災也穀梁曰蝨蟲

災也甚則月不甚則時

○莊六年螟

○莊十七年冬多麋

公遠犀象之意也害稼則及人矣

○莊十八年秋有蝥

短狐也蓋以含沙射人為災

左氏曰為災也公羊曰何以書記異也

也蠶一名射影在江淮水中人在岸上影在水中投人影則殺之故曰射影或謂含沙射人入人皮肌其瘡如疥胡氏曰蠶魯所無也故以

有書夫以含沙射人其為物至微矣魯人察之以聞于朝魯史異之以書于策何也

蠶陰物也麋亦陰物也陽淑消而陰慝長矣哀十四年穀梁傳註蠶非嘉瑞故書

有○莊二十九年秋有蜚左氏曰為災也凡物不為災不書公羊曰何以書記異也

蜚者臭惡之蟲南越歲暑所生非中國之所有○僖十五年八月螽為災○文八年螽為災○宣六年八月螽

宣十三年秋螽為災故書○宣十五年秋螽○冬螽生螽子以冬生遇寒而死故不成螽左氏曰幸之也

螽未為災而書之者幸其冬生不為物害時成雖饑猶喜而書之公羊曰螽生不書此何以書幸之也幸之者何猶

曰受之云爾受之云爾者何上變古易常應是而有天災其諸則宜於此焉變矣

蠧也始生曰蠧大曰蠧災宜避之今而云受之者言宣公於此天災饑後能受穀梁

曰蠧劉歆云此蚘蚘子董仲舒云蝗子非災也其曰蠧非也稅畝之災也胡氏曰始生曰蠧既

大曰螽秋螽未息冬又生子災重及民也而詳志之如此者急民事謹天災仁人之

心王者之務也○襄七年八月螽為災故書○哀十二年冬十有二月螽杜註周十二月今十月是歲應

置閏而失不置雖書十二月實今之九月左傳冬十二月螽林註時已閏螽猶有螽災季孫問諸

仲尼仲尼曰邱聞之火也心星伏火伏在而後螫者畢今火猶西流言未盡沒知是九月司歷過

也歷官失公羊曰何以書記異也何異爾不時也○哀十三年九月螽書○十有二

月螽前年季孫雖問仲尼之言而不正歷失○文三年雨螽于宋自上而墮有似於雨宋人以其死為

得天祐喜而左氏曰秋雨螽于宋隊而死也螽飛至宋隊地而死若雨公羊曰雨螽者何死而墜

也何以書記異也外異不書此何以書為王者之後記異也穀梁曰外災不志此何

以志也曰災甚也其甚奈何茅茨盡矣著於上見於下謂之雨○莊七年夏四月辛

卯夜恒星不見謂常見之星辛卯四月五日月夜中星隕如也雨夜半乃有雲

其數多皆記異也日光不匿恒星左氏曰恒星不見夜明也日光不匿星隕如雨與

雨偕也隕而且雨公羊曰恒星者何列星天之常宿也列星不見何以知夜之中星反

星復也星反在半夜之後則知鄉如雨者何如雨者非雨也非雨則曷為謂之如雨

其位也者不見之時是夜中矣如雨者何如雨者非雨也非雨則曷為謂之如雨

不修春秋曰雨星不及地尺而復君子修之曰星實如雨何以書記異也穀梁曰夏

四月辛卯昔恒星不見夜中星隕如雨恒星者經常星也日入至於星出謂之昔不

見者可以見也夜中星隕如雨其隕也如也雨星既隕而復雨也是夜中與疑辭也星既隕而雨必晦冥安

知夜中乎春秋著以傳著疑以傳疑明實錄也中之幾也微也而曰夜中著焉爾星既隕而雨中之微難知而曰夜

中自以實著爾非億度也何用見其中也失變而錄其時則夜中矣蓋失星變之始而錄其已隕之時檢錄漏刻以知夜中也

其不曰恒星之隕何也我知恒星之不見而不知其隕也我見其隕而接於地者則

是雨說也著於上見於下謂之雨著於下不見於上謂之隕言我見從上來接於下然後可言雨星今唯見

在下故曰隕星耳豈雨說哉胡氏曰恒星者列星也如雨者言眾也○僖十六年春王正月

戊申朔隕石于宋五開其隕視之石數之五各隨其開見先後而記之莊七年星隕如雨見星之隕而墜於四遠若山若水不見在地之驗此

則見在地之驗而不見始隕之星史各據事而書左氏曰隕石于宋五隕星也杜註但言星則嫌星使石隕故重言隕星林註星陽物

隕至地則化為石公羊曰曷為先言實而後言石實石記聞聞其碩然視之則石察之則五

何以書記異也外異不書此何以書為王者之後記異也穀梁曰先隕而後石何也

隕而後石也既隕後乃知是石也于宋四竟之內曰宋後數散辭也石散在四竟之內故後下言其數以散辭言之

治也隕石先以耳聞故先言隕子曰石無知之物故日之石無知而隕必天使之然故詳而日之胡氏曰隕石自空

疑結而隕也春秋時凡有國者察於物象之變亦審矣此宋異也何以書于魯史當

時諸國有非所當告而告者聖人因災異而著之於經垂戒後世苟知其故恐懼修

省變可消矣○文十四年秋七月有星孛入于北斗孛星也既見而後入北斗非常所有故書之公羊曰

孛者何彗星也其言入于北斗何北斗有中魁也何以書記異也穀梁曰孛之為言

猶弗也其曰入北斗斗有環域也據孛于大辰及東方皆不言入此胡氏曰孛者惡言入者明斗有規郭入其魁中也胡氏曰孛者惡

氣所生闇亂不明之貌也入于北斗者斗有環域天之三辰綱紀星也彗者所以除

舊布新也○昭十七年冬有星孛于大辰房心尾也妖變非常故書公羊曰孛者何彗星也其言

于大辰何在大辰也三字皆發問者或言入或言于或言方嫌為孛異猶問錄之大辰者何大火也大火為大辰

伐為大辰大火謂心也伐謂參伐也伐在參旁與參連體而六星故言參伐與參為一候故也大火與伐天所以示民時早晚天下所取正故謂之大辰辰

也北辰亦為大辰北辰北極天之中也常居其所迷惑不知東西者須視北辰以別心伐所在故加亦者兩相須之意何以書記異

也穀梁曰一有一亡曰有于大辰者濫于大辰也不曰孛于大火而曰大辰者謂胡濫于蒼龍之體不獨加大火胡

氏曰大辰心也心為明堂天子之象其前星太子後星庶子孛星加心象天子適庶將分爭也○哀十三年冬十有一月有星孛于東方平日眾星皆沒而孛乃見故不言所在之次公羊曰

其言于東方何見于旦也日方出時宿不復見故言東方知為旦何以書記異也昭十七年胡氏曰有

星孛于東方不言宿名者不加宿也○哀十四年冬有星孛經註不言所在史失之○僖十五

年震雷電擊之夷伯魯大夫展氏之祖父夷謚伯字大夫既卒書字之廟左氏曰震夷伯之廟罪之也於是展氏

有隱慝焉隱惡非法所得尊貴罪所不加是以聖人因天地之變自然之妖以感動之知達之主則識先聖之情以自厲中下之主亦信妖祥以不妄神道助

教唯此為深公羊曰震之者何雷電擊夷伯之廟者也夷伯者季氏之孚信也季氏所信任臣也其

稱夷伯何大之也曷為大之天戒之故大之也何以書記異也胡氏曰不曰夷伯之

廟震而曰震夷伯之廟者天應之也○文九年九月癸酉地震經註地道安靜以動為異故書公羊

曰地震者何動地也先言動者喻若物之動地以曉人何以書記異也穀梁曰震動也地不震者也

震故謹而日之也○襄十六年五月甲子地震○昭十九年夏五月己卯地震○昭

二十三年八月乙未地震○哀三年夏四月甲午地震○僖十四年秋八月辛卯

鹿山崩平陽元城縣東有沙鹿上山在晉國主山川山崩川竭七國之徵左氏曰晉卜偃曰期年將有大咎幾亡國

也也河岸有高下如山沙鹿崩何以書記異也外異不書此何以書為天下記異也穀

梁曰林屬於山為鹿足也沙山名也無崩道而崩故志之也其日重其變也胡氏曰

沙鹿晉地也○成五年夏梁山崩在馮翊夏陽縣北崩左氏曰梁山崩晉侯公以傳驛召伯宗

伯宗辟重曰辟傳伯宗道遇重載之車使之避已曰避傳車重人曰待我不如捷邪之速也言車重行遲

不如傳車邪問其所伯宗見其言有理由因問其所居曰絳人也問絳事焉曰梁山崩將召伯宗謀之

問將若之何曰山有朽壤而崩可若何言山以土壤朽腐故崩不可如何也國主謂所祭山川祭者山川

也故山崩川竭君為之不舉去威饌不舉樂降服損威乘綬車無徹樂息八出次舍於郊祝幣

陳玉史辭太史修言辭以禮禮山焉其如此而已雖伯宗若之何伯宗請見之見之於晉

君不可不肯遂以告而從之從重人言公羊曰梁山者何河上之山也梁山崩何以書記

異也何異爾大也何大爾梁山崩壅河三日不流外異不書此何以書為天下記異

也穀梁曰不日何也高者有崩道也不日何也者據僖十四年秋八月辛卯有崩道沙鹿崩也彼無崩道而崩故謹而書日

則何以書也曰梁山崩壅遏河三日不流晉君召伯尊而問焉伯尊來遇輦者輦者

不辟使車右下而鞭之輦者曰所以鞭我者其取道遠矣謂所用鞭我之間行道則可遠矣伯尊下

車而問焉曰子有聞乎對曰梁山崩壅遏河三日不流伯尊曰君為此召我也為之

奈何輦者曰天有山天崩之天有河天壅之雖召伯尊如之何伯尊由忠問用忠誠之心問

也焉輦者曰君親素縞帥羣臣而哭之既而祠焉斯流矣伯尊至君問之曰梁山崩

壅遏河三日不流為之奈何伯尊曰君親素縞帥羣臣而哭之山崩川塞示哀窮所以必服既而

祠焉斯流矣孔子聞之曰伯尊其無績也乎攘也善也取輦者之言而行之非已之功也胡氏曰梁

山韓國也詩曰奕奕梁山韓侯受命而謂之韓奕者言奕然高大為韓國之鎮也後

為晉所滅而大夫韓氏以為邑焉書而不繫國者為天下記異是以不言晉也左氏

載絳人之語於禮文備矣而未記其實也夫降服乘縵徹樂出次祝幣史辭六者禮

之文也古之遭變異而外為此文者必有恐懼修省之心主於內若成湯以六事

身高宗克正厥事宜王側身修行欲銷去之是也徒舉其文而無實以先之何足以

弭災變乎○文十三年大室大廟之室屋壞左氏曰秋七月大室之屋壞書不共也簡慢宗廟

使至傾頽故書以見臣子不共公羊曰世室屋壞世室者何魯公之廟也周公稱大廟魯公稱世室

羣公稱宮此魯公之廟也曷為謂之世室世室猶世室也世世不毀也世室屋壞何

以書譏何譏爾久不修也穀梁曰大室屋壞者有壞道也譏不修也大室猶世室世

有是室故言世室也為社稷之主而先君之廟壞極稱之言屋壞不復依違其文也志不敬也胡氏曰書

世室屋壞譏久不修也何以知久乎自正月不雨則無壞道也不雨凡七月而先君

之廟壞不恭甚矣凡此皆志文公怠慢不謹事宗廟以致魯國衰削之由其戒切矣

○桓十四年秋八月壬申御廩公所親耕以奉災左氏曰秋八月壬申御廩災乙亥

嘗書不害也災其屋救之則息不及穀石妨祭祀故春秋先書廩災後書嘗以見不害公羊曰御廩者何黍稷在器曰廩

委積之所藏也御者謂御御廩災何以書記災也穀梁曰御廩之災不志此其志何

也以為唯未易災之餘而嘗可也唯以未易災之餘而嘗然後可志志不敬也用火焚之餘以祭宗廟非人子所以盡其

心力不敬之大也何用見其未易災之餘而嘗也曰甸甸師粟而內之三宮三夫也三宮米而藏

之御廩于中御廩災乙亥嘗以為未易災之餘而嘗也壬申乙亥相去四日少胡功多明未足及易而嘗矣

氏曰御廩災于壬申而嘗以乙亥是不改卜而供未易災之餘則不敬也○僖二十

年夏五月乙巳西宮公別宮也災公羊曰西宮者何小寢也小寢則曷為謂之西宮有西

宮則有東宮矣魯子曰以有西宮亦知諸侯之有三宮也西宮后勝所居西宮災何以書記

異也穀梁曰謂之新宮則近為禰宮以謚言之則如疏之然以是為閔宮也禰宮言新疏祖

言謚在親疏之間故知是閔宮○成三年二月甲子新宮災三日哭三年喪畢宣公神主新入廟故謂之新宮書三日哭善得禮宗

廟親之神靈所馮居而遇災故哀而哭之公羊曰新宮者何宣公之宮也宣宮則曷為謂之新宮不忍言

也其言三日哭何廟災三日哭禮也新宮災何以書記災也穀梁曰新宮者禰宮也

迎近不敢稱謚恭也胡氏曰廟災而哭禮也得禮為常事則何以書緱氏劉絢曰新

宮者宣宮也不曰宣宮者神主未遷也知然者丹楹刻桷皆稱桓宮此不舉謚故知

其未遷也宮成而主未入遇災而哭何禮哉宣公薨至是二十有八月緩於遷主可

知矣言災則不恭之至亦自見矣此說據經為合或曰禮稱有焚其先人之室則三

日哭新宮將以安神主也雖未遷而哭不亦可乎曰先人之室蓋嘗寢於斯食於斯

會族屬於斯其居處笑語之所在皆可想也事死如事生故有焚其室則哭之禮也

神主未遷而哭於人情何居○定二年夏五月壬辰雉門公宮之南門及兩觀闕也災公羊

曰其言雉門及兩觀災何兩觀微也雉門兩觀皆天子之制微則曷為不言雉門

災及兩觀主災者兩觀也時災者兩觀則曷為後言之不以微及大也何以書記災

也穀梁曰其不曰雉門災及兩觀何也災自兩觀始也災不從雉門起故不得言雉門災及兩觀兩觀始災故災

在兩觀下也不以尊者親災也先言雉門尊尊也雉門尊欲言兩觀災及雉門則卑不可以及尊○哀三年五月

辛卯桓宮僖宮災左氏曰夏五月辛卯司鐸宮火火踰公宮桓僖桓公僖公廟災孔子在

陳聞火曰其桓僖乎言桓僖親盡而廟不毀宜為天所災公羊曰此皆毀廟也其言災何復立也何以

不言及敵也親過高祖親疏適等故曰敵何以書記災也穀梁曰言及則祖有尊卑由我言之則

一也遠祖親盡尊卑如一○哀四年六月辛丑亳社殷社諸侯有之所以戒亡國災亡國之社有屋使不

羊曰六月辛丑蒲社災蒲亡國之名天子社者何亡國之社也社者封也封土為其

言災何據封土非火所能燒亡國之社蓋拚之揜其上而柴其下柴其下故得燒之也揜其下者絕不得使通天地四方以

為有國者戒蒲社災何以書記災也穀梁曰亳社者亳之社也亳亡國也亡國之社以為

廟屏戒也武王伐紂班列其社於諸侯諸侯立亳社於廟外以為屏蔽致戒心也其屋亡國之社不得達上也作屋不通

也凡火人火曰火天火曰災公羊曰成周宣謝災成周者何東周也宣謝者何宣宮

之謝也何言乎成周宣謝災樂器宣王中興所作樂器也藏焉爾孔子以春秋當新王上黜杞

之樂器示周不復興故繫宣榭於成周使若國文黜而新之從為王者後記災也成周宣榭災何以書記災也外災不書此

何以書新周也穀梁曰成周宣榭災周災不志也其曰宣榭何也以樂器之所藏目

之也移風易俗莫善於樂是故貴其器胡氏曰成周天子之東都宣榭宣王之廟也按呂大臨考古

圖有邠敦者稱王格于宣榭呼內史策命邠是知宣榭者宣王之廟也古者爵有德

祿有功必於太廟示不敢專也宣王之廟謂之榭者其廟制如榭也宣榭火何以書

以宗廟之重書之也○莊二十年夏齊大災來告以大故公羊曰大災者大瘠瘠病也

人語以加大知非火災也大瘠者何病民疾也何以書記災也外災不書此何以書及我也穀梁

曰其志以甚也○襄九年春宋災來告公羊曰春宋火曷為或言災或言火大者曰

災小者曰火然則內何以不言火內不言火者甚之也春秋以內為天下法動作當先自克責故小有火如大有

災何以書記災也外災不書此何以書為王者之後記災也穀梁曰外災不志此其

志何也故猶先也宋也孔子之先宋人○襄三十年五月甲午宋災左氏曰甲午宋大災宋伯

姬卒待姆女也伯姬待姆而後下堂君子謂宋共姬女而不婦而不知為婦之道

女待人待人行婦義事也義從宜也伯姬公羊曰宋災伯姬存焉有司復曰火至矣請

出伯姬曰不可吾聞之也婦人夜出謂有事不見傳母禮后夫人必有傅母所以輔

為傅選老大夫妻為母不下堂傳至矣母未至也逮乎火而死穀梁曰婦人以貞為行者也伯

姬之婦道盡矣胡氏曰易曰恒其德貞婦人吉夫子凶而或以為共姬女而不婦非

也世衰道微暴行交作女德不貞婦道不明能全其節守死不回見於春秋者宋伯

姬耳○昭九年夏四月陳災天火曰災陳既已滅降為楚縣而書陳災者猶晉之梁山沙鹿崩不書晉災害繫於所災所害故以所在為名公羊曰夏四月陳火陳已滅矣其言陳火何存陳也曰存陳悽矣若曰陳為天穀梁

曰國曰災邑曰火火不志此何以志閔陳而存之也胡氏曰凡外災告則書今楚已滅陳夷於屬縣使穿封成為公矣必不遣使告於諸侯言亡國之有天災也何以書於魯國之策乎當是時叔弓與楚子會于陳則目擊其事矣雖彼不來告此不往弔

叔弓使畢而歸語陳故也魯史遂書之耳或曰國史所書必承赴告豈有憑使人之言而載之於史者曰周景王崩有尹單猛朝之變固無赴告矣叔鞅至自京師言王室之亂也春秋承其言遂書于策亦此類耳仲尼作經存而弗革者蓋與滅國繼絕

世以堯舜三代公天下之心為心異於孤秦罷侯置守欲私一人以自奉者所以歸民心合天德也穀梁以為存陳得其旨矣○昭十八年夏五月壬午宋衛陳鄭皆火數日皆

書左氏曰夏五月火心星始昏見丙子風戌寅風甚壬午大甚宋衛陳鄭皆火數日皆

來告火言經所以書陳不救火不舉行火政不恤民也許不弔災不弔恤火災不畏天也君子是以知陳許之

先亡也不義所以亡公羊曰何以書記異也何異爾異其同日而俱災也外異不書此何以書為天下記異也穀梁曰其志以同日也其日亦以同日也同日為四國災也○

宣三年春王正月郊牛之口傷改卜牛牛不稱牲未卜日牛死公羊曰其言之何緩也其言者據食角不言之也辭問容之故為緩不若食角急也穀梁曰之口緩辭也傷自牛作也胡氏曰牛之口傷改

卜牛而牛又死也○成七年春王正月鼯鼠食郊牛角改卜牛鼯鼠又食其角乃免也牛穀梁曰不言日急辭也辭中促急不容日也過有司也郊牛日展斛球球然角而知傷展

道盡矣其所以備災之道不盡也有司展察牛而即知傷是展察之道盡不能防改災禦患致使牛傷故不書日以顯有司之過也改

卜牛鼯鼠又食其角又有繼之辭也其緩辭也曰亡乎人矣非人之所能也所以免有司之過也至復食乃知國無賢君天災之爾非有司之過故言其以赦之乃免牛乃者亡乎人之辭也免牲者為

之緇衣纁裳有司立端奉送至于南郊免牛亦然免牲不曰不郊免牛亦然胡氏曰有司免過即變異也○定十五年春王正月鼯鼠食郊牛牛死不言所食處舉死重也改卜牛

禮也公羊曰曷為不言其所食漫也漫者徧食其身災不敬也穀梁曰不敬莫大焉○哀元年春

王正月鼯鼠食郊牛不言所食所食非一處改卜牛穀梁曰鼯鼠食郊牛角改卜牛志不敬也

牛傷不言傷之者傷自牛作也故其辭緩謂宣三年郊牛之口傷加之緩辭全曰牲傷曰牛未牲曰

牛其牛一也其所以為牛者異○隱三年春王二月己巳日有食之杜註日行遲一歲一月一周天一歲凡十二交會然日月動物雖行度有大量不能不小有盈縮故

有雖交會而不食者或有頻交而食者今釋例以長歷推經傳明此食是二月朔也不書朔史失之林註日月交會于朔食之則

食未有非交會而食者也此不食朔官失之公羊曰何以書記異非常可惟先也

日食則曷為或日或不日或言朔或不言朔曰某月某日朔日有食之者食正朔也

桓三年秋七月壬辰朔日有食之是也其或日或不日或失之前或失之後失之前者

朔在前也謂二日食此已巳日有食之是也日行疾月行遲過朔乃食失正朔於前也失之後者朔在後也謂晦日食莊十八年三月

未至朔而食失正朔於後也穀梁曰言日不言朔食晦日也其日有食之何也吐

者小壤食者內壤闕然不見其壤有食之者也齊魯之間謂鑿地出土鼠作穴出土

出者其壤在外其所吞咽者壤入於內今日有內辭也食者內壤故曰內辭也吐者外

關損而不知壤之所在此必有物食之矣外辭傳無外辭之文者蓋時無外壤也而曰或外辭者因事以明義例也猶傳云三穀不升謂之饑四穀不升謂之康亦無其事有食之者內於日

也以壤不見於外也其不言食之者何也知其不可知也胡氏曰經書日食三十六去之

十有餘歲而精曆算者所能考也其行有常度矣然每食必書示後世治曆明時之

法也有常度則災而非異矣然每食必書示後世遇災而懼之意也日者眾陽之宗

人君之表而有食之災咎象也克謹天戒則雖有其象而無其應弗克畏天災咎之

來必矣凡經所書者或妾婦乘其夫或臣子背君父或政權在臣下或夷狄侵中國

皆陽微陰盛之證也是故十月之交詩人以刺日有食之春秋必書以戒人君不可

忽天象也○桓三年秋七月壬辰朔日有食之既杜註既盡也曆家之說謂日光以

月掩日故日食食有上下者行有高下日光輪存而中食者相掩密故日光溢出皆既者正相當而相掩間疏也然聖人不言月食日而以自食為文關於所不見穀

梁曰言日言朔食正朔也既者盡也有繼之辭也盡而復生胡氏曰日者眾陽之宗

人君之象而有食之既則其為變大矣○桓十七年冬十月朔日有食之杜註甲乙

也晦朔者日月之會也日食不可以不存晦朔晦朔須甲乙而可推故左氏曰不書

日食必以書朔日為例林註是年冬鄭高渠彌弒昭公忽而立子亶日官失之也日官失其甲乙之日穀梁曰言朔不言日食既也盡朔也食是月二日食也○莊

千八年春王三月日有食之不書日穀梁曰不言日不言朔夜食也何以知其夜食

也曰王者朝日天子玄冕而朝日於東門之外故曰始諸侯朝朔言王者朝日所

莊二十五年六月辛未朔日有食之鼓伐鼓用牲于社用牲以左氏曰非常也非常

月長歷推之辛未實七月唯正月夏之四月周之六月謂正陽之月今書之朔慝氣

朔置閏失所致月錯未作正陽之月建巳六陽日有食之於是乎用幣于社伐鼓于朝日食歷之常也然

諸侯用幣于社請救於上公伐鼓於朝退而自公羊曰日食則曷為鼓用牲于社求

責以明陰不宜侵陽臣不宜掩君以示大義乎陰之道也以朱絲營社或曰脅之社者土地之主也月土地之精上繫于天

也也鼓禮也用牲非禮也天子救日置五麾旌陳五兵矛戟鐵五鼓諸侯置二麾陳二

鼓三兵大夫擊門士擊柝言充實其陽也凡有聲皆陽胡氏曰按禮諸侯旅見天子

入門不得終禮者四而日食與焉古者固以是為大變人君所當恐懼修省以答天

意而不敢忽也故夏書曰乃季秋月朔辰弗集于房瞽奏鼓嗇夫馳庶人走周官鼓

人救日月則詔王鼓大僕凡軍旅田役贊王鼓救日月亦如之諸侯用幣于社伐鼓

于朝退而自責皆恐懼修省以答天意而不敢忽也然則鼓用牲于社何以書譏不

鼓于朝而鼓于社又用牲則非禮矣○莊二十六年冬十有二月癸亥朔日有食之

○莊三十年九月庚午朔日有食之鼓用牲于社○僖五年九月戊申朔日有食之

○僖十二年春王三月庚午日有食之不書朔○僖十五年夏五月日有食之左氏

曰不書朔與日官失之也日官失日○文元年二月癸亥月一日有食之不書朔公

羊曰二月癸亥朔日有食之○文十五年六月辛丑朔日有食之鼓用牲于社周六

之四月也並同非禮也得常鼓之月而於日有食之言日食天子不舉去威饜

莊公二十五年樂伐猶擊鼓于社責羣諸侯用幣于社社尊於諸侯故請伐鼓于朝退自以昭事神

天子不舉諸侯訓民尊卑異制事君示有等威威儀之古之道也○宣八年秋七月

甲子日有食之既日食○宣十年夏四月丙辰日有食之不書朔○宣十七年六

月癸卯日有食之不書朔○成十六年六月丙寅朔日有食之○成十七年十有二

月丁巳朔日有食之○襄十四年二月乙未朔日有食之○襄十五年秋八月丁巳日有食之八月無丁巳丁巳七月一日也日月必有誤○襄二十年冬十月丙辰朔日有食之○襄二十

一年九月庚戌朔日有食之○冬十月庚辰朔日有食之○襄二十三年春王二月

癸酉朔日有食之○襄二十四年秋七月甲子朔日有食之既○八月癸巳朔日有

食之○襄二十七年冬十有二月乙亥朔日有食之今長歷推十一月朔非十二月傳曰辰在申再失閏若是十二

月則為三失閏故知經誤左氏曰十一月乙亥朔日有食之辰在申謂斗建指申司歷過也再失閏矣

周十一月今之九月斗當建戌而在申故知再失閏也文十一年二月甲子至今○

昭七年夏四月甲辰朔日有食之○昭十五年六月丁巳朔日有食之○昭十七年

夏六月甲戌朔日有食之左氏曰祝史請所用幣禮正陽之月日食當用幣於社故請之昭子曰日有

食之天子不舉伐鼓於社社者羣陰之聚故伐鼓以責之諸侯用幣於社社位上公故用幣以請救伐鼓于朝退

責禮也平子禦禁也之曰止也言止不須用幣唯正月朔隱未作日有食之於是乎有伐鼓用

幣禮也其餘則否大史曰在此月也正月謂建巳正陽之月也於周為六月於夏為四月平子以為六月非正月故大史答言在此

月日過分而未至過春分而未夏至三辰日月星也有災日月相侵又犯是宿故三辰皆為災於是乎百官降物降物降

服素服君不舉辟移時辟正寢過日食時樂奏鼓樂人伐鼓祝用幣大祝用幣於社史用辭大史用辭以自責故夏書

林註循征篇○日辰不集安也于房舍也日月不替樂師奏鼓嗇夫主幣之官馳車馬庶人走

步日走為救杜註逸書也此月朔之謂也謂此建巳正陽之月朔也當夏四月謂之孟夏言此六月當夏家之四月平子弗

從昭子退曰夫子將有異志不君君矣安君之災故曰有異志○昭二十一年秋七月壬午朔

日有食之左氏曰公問於梓慎曰是何物也物事禍福何為對曰二至冬至夏至二分二分春分秋分

分日有食之不為災日月之行也分同道也二分日夜等故言同道至相過也二至長短極故相過其他

月則為災陽不克也故常為水陰侵陽是陽不勝陰於是叔輒卒叔弓之子伯張哭日食意在於憂災昭子曰

子叔將死非所哭也非其所當哭而哭之精爽已逝矣八月叔輒卒如昭子之言○昭二十二年十有二

月癸酉朔日有食之此月有庚戌當為癸卯朔書癸酉誤○昭二十四年夏五月乙未朔日有食之○

昭三十一年十有二月辛亥朔日有食之○定五年春王三月辛亥朔日有食之公

羊曰王正月辛亥朔日有食之○定十二年十有一月丙寅朔日有食之○定十五

年八月庚辰朔日有食之○哀十四年五月庚申朔日有食之

傳

隱六年左氏曰冬京大師衆也天子之居必來告饑告饑不以王命故傳言公為之

請釋於宋衛齊鄭禮也杜註雖非王命而公共以稱命已國不足旁請鄰國○桓三

年胡氏曰桓宣享國十有八年獨此二年書有年桓三年宣他年之歉可知也○襄

二十八年左氏曰鄭伯簡公使游吉即子如楚曰寡君使吉奉其皮幣聘用乘以歲之

不易聘於下執事言歲有饑荒之難故○襄二十九年左氏曰鄭子展卒子皮即罕

即位代父為於是鄭饑而未及麥民病民病於子皮以子展之命餼猶饋國人粟在

命也故以父尹一鍾六斛四是以得鄭國之民○文十六年左氏曰宋饑竭其粟而貸之

宋公子鮑○襄二十九年左氏曰宋亦饑請於平公宋司城出公粟以貸使大夫皆貸司

城氏即子貸而不書貸而不書於策施為大夫之無者貸子罕為宋大夫宋無饑人

○僖十三年左氏曰冬晉荐饑麥禾皆使乞糴於秦秦秦穆於是乎輸粟於晉自雍

秦國及絳晉國相繼命之曰汎舟之役從渭水運○僖十五年左氏曰是歲晉又饑

秦伯穆又餼之粟以粟餼晉○襄九年左氏曰晉饑○定五年經註蔡為楚所圍饑

乏故魯歸之粟○文十六年左氏曰楚大饑○僖十四年左氏曰冬秦饑使乞糴于

晉晉人弗與○哀元年左氏曰昔闔廬存國天有舊病痲疾親巡孤寡而共其乏困

○宣八年左氏曰冬旱無麻魯○昭十六年左氏曰鄭大旱使屠擊祝欵監射有事

三子鄭大夫於桑山斬其木不雨子產曰有事於山養護令山林也而斬其木其

罪大矣奪之官邑○僖十九年左氏曰於是衛大旱卜有事于山川卜祭山川不吉

甯莊子曰昔周飢克殷而年豐今邢方無道諸侯無伯長也諸侯無伯長以天其或者欲

使衛討邢乎從之師興而雨言伐邢○莊十一年公羊傳註時魯亦有水災○昭十

九年左氏曰鄭大水凡平原出○昭六年左氏曰六月丙戌鄭災○昭二十三年左

氏曰八月丁酉南宮極周卿士震為屋所壓而死經書乙未地動魯震地也丁酉南宮極震周地亦震也葛弘謂劉文公

劉奎劉奎曰周之亡也謂幽王其三川涇渭洛震地動川今西王子朝在王城之大臣亦

震天棄之矣東王敬王居狄泉在王城之東故曰東王必大克○隱元年左氏曰有蜚負蟻也蓋食不為災不為田不書野之害莊二十九年傳例曰凡物不為災不書又於此○昭十年左氏曰春王正月有星容星出于婺女不書○昭二十六年左氏曰齊有彗星出齊之分野不書魯不見

怪變

書法

一有一亡曰有昭二十五年穀梁傳有書所無也昭二十五年左傳來者來中國也昭二十五年穀梁傳不在魯界故曰來巢昭二十五年經註何以書非中國之禽也昭二十五年公羊傳曰巢增之也昭二十五年穀梁傳微者曷為以狩言之大之也哀十四年公羊傳非狩而曰狩大其適也哀十四年穀梁傳修常職故不書狩者哀十四年經註何以書非中國之獸也哀十四年公羊傳不言來不外於中國也不言有不使不恒於中國也哀十四年穀梁傳得用曰獲哀十四年經註非常禽故書有書來哀十四年穀梁傳不地不狩也哀十四年穀梁傳取之所以得書獲哀十四年左傳註微有知之物故月之僖十六年穀梁傳重言是月嫌同日僖十六年穀梁傳

六年經杜註是月者決不日而月也僖十六年穀梁傳是月者僅逮是月也僖十六年公羊傳何以不日晦日也僖十六年公羊傳晦雖有事不書僖十六年公羊傳

事類

經

昭二十五年有鸛鶴來巢此鳥穴居不在魯界故曰來巢非常故書。左氏曰書所無也師已魯大曰異哉吾聞文武之世童謠有之曰鸛之鶴之鸛鶴二字分言公出辱之言鸛鶴來則鸛鶴之羽貌公在外野往饋也之馬賈馬饋之鸛鶴踈踈行貌公在乾侯徵也求褻也與襦內衣也言平子每歲歸從者之衣屨鸛鶴之巢遠哉遙遙言其遠稠父公喪勞死外故宋父公定以驕代立故鸛鶴鸛鶴重呼鸛鶴傷之之甚往歌來哭昭公生出童謠有是今鸛鶴來巢其將及乎將及公羊曰何以書記異也何異爾非中國之禽也宜穴又巢也宜穴反巢者自下居上之徵穀梁曰一有一亡曰有來者來中國也鸛鶴穴者而曰巢或曰增之也如增言巢爾其實不巢也胡氏曰傳曰鸛鶴不踰濟濟水東北會于汶魯在汶南其所

無也故書曰有巢者去穴而巢陰居陽位臣逐君象也○哀十四年春西狩

冬獵曰狩蓋虞人修常職故不書狩者獲得用麟者仁獸聖王之嘉瑞也時無明王出而遇獲仲

大野在魯西故言西狩獲曰獲麟尼傷周道之不與感嘉瑞之無應故因魯春秋而

修中興之教絕筆于獲麟之一左氏曰西狩于大野在高平鉅野縣東北大澤是也

叔孫氏之車子微者鉏商獲麟以為不祥見故怪之以賜虞人之官仲尼觀之曰麟也然後取之

言魯史所以得書獲麟公羊曰何以書記異也何異爾非中國之獸也然則孰狩之薪采者也

薪采者則微者也曷為以狩言之大之也曷為大之為獲麟大之也曷為為獲麟大

之麟者仁獸也有王者則至無王者則不至有以告者曰有麇而角者孔子曰孰為

來哉孰為來哉反袂拭面涕沾袍顏淵死子曰噫天喪予子路死子曰噫天祝予

西狩獲麟孔子曰吾道窮矣叔孫氏之車子鉏商樵于野而獲麟焉以為不祥棄之

子曰今何在吾將觀焉遂往謂其御高柴曰若求之言其必麟乎到視之曰今宗周

將滅無主孰為來哉茲日麟出而死吾道窮矣乃作歌曰唐虞之世麟鳳遊今非其

時來何由麟兮麟兮我心憂得麟之後天下血書魯端門曰趨作法孔聖沒周姬亡

豈東出秦政起胡破術書記散孔不絕子夏明日往視之血書飛為赤鳥化為白書

署口演孔圖中有作圖制法之狀漢孔圖云獲麟而作春秋九月書成

殺梁曰引取之也狩地不地不狩也非狩而曰

也中國執儀表於遐荒謂風扇於不朽麒麟也步郊不為暫有鸞鳳栖林非為權來矣

胡氏曰易曰大人者先天而天弗違後

天而奉天時舜孔子先天者也先天而天弗違志壹之動氣也伏羲氏後天者也後

天而奉天時氣壹之動志也有見乎此者則曰文成而麟至無見乎此者以為妖妄

而近誣○僖十六年是月杜註是月隕石之月重言是月嫌同日林註言是月與

六鷁退飛過宋都杜註宋人以為災告於諸侯故書林註望之左氏曰

六鷁退飛過宋都風也六鷁過迅風而退飛風高周內史叔興聘于宋宋襄公問焉

曰是何祥也吉凶焉在襄公以為石隕鷁退能為禍福之始故問其所在對曰今茲

歲魯多大喪魯友公孫明年齊有亂君將得諸侯而不終以刑政吉凶他占知之退而告人曰君

失問是陰陽之事襄公不知陰陽而問人事故曰君失問非吉凶所生也叔與自以

恐為有識所譏故退而告人言凶由人積善餘慶積惡餘殃故曰吉凶由人吾不敢逆君故也

君問吉凶不敢逆公故退而告人言凶由人積善餘慶積惡餘殃故曰吉凶由人吾不敢逆君故也

羊曰是月者何僅逮是月也是月是月邊也魯人語何以不日晦日也晦則何以不言晦春秋

也魯人語何以不日晦日也晦則何以不言晦春秋

也魯人語何以不日晦日也晦則何以不言晦春秋

也魯人語何以不日晦日也晦則何以不言晦春秋

也魯人語何以不日晦日也晦則何以不言晦春秋

不書晦也朔有事則書晦雖有事不書重始而終曷為先言六而後言鷓六鷓退飛

記見也視之則六察之則鷓徐而察之則退飛何以書記異也外異不書此何以書

為王者之後記異也穀梁曰六鷓退飛過宋都是月者決不日而月也欲著石日鷓

若不言是月則六鷓退飛過宋都先數聚辭也目治也子曰鷓微有知之物故月之

嫌與戊申同矣耳是以畧而月之君子之於物無所苟而已石戊申朔隕鷓且猶盡其辭而况於人

乎故五石六鷓之辭不設則王道不亢矣不遺微細故民所聚曰都胡氏曰退飛有

氣逆驅而飛也石隕鷓飛而得其數與名在春秋時凡有國者察於物象之變亦審

矣此宋異也何以書于魯史亦見當時諸國有非所當告而告者矣

傳

僖五年左氏曰童謠云丙之辰言丙日之辰龍尾尾星伏辰日月之會曰辰日在均服

戎事上振振威取虢之旂軍之旌旗勝勝鷓鷓鷓鷓火之賁賁鳥星之天策天策焯焯天策

下同服星時近日星微火中成軍言丙子平旦鷓火號公其奔此已上皆童謠言也童謠之

戲之言似若有馮者其言或中或不博覽之士能懼思昭二十五年左氏曰師已

之人兼而志之以為鑒戒以為將來之驗有益於世教曰吾聞文武之世童謠有之曰鷓之鶴之公出辱之鷓鶴之羽公在外野往饋之馬

鷓鶴跣跣公在乾侯徵褻與襦鷓鶴之巢遠哉遥遥稠父喪勞宋父以驕鷓鶴鷓鶴

往歌來哭

隱元年左氏曰鄭莊公寤生○僖十七年左氏曰惠公晉之在梁也六年梁伯妻之

梁嬴孕懷子過期過十月生一男一女○宣四年左氏曰初若敖楚之娶於邲國

生鬬伯比若敖卒從其母畜養於邲淫於邲子之女生子文焉邲夫人使棄諸夢中

夢澤名江夏安陸縣虎乳之邲子田見之懼而歸夫人以告告女私遂使收之楚人

渭乳穀謂虎於菟故命之曰鬬穀於菟實為令尹子文鬬氏始自子○襄二十六年

左氏曰初宋芮司徒宋大生女子赤而毛色赤而棄諸堤下畏其異相故共姬宋伯

之妾取以入名之曰棄取見棄長而美平公共姬入夕入宮夕見棄也而視之尤甚

姬納諸御嬖生佐公為大子

僖三十年左氏曰衛侯公使賂周欵治厯恐元咺距已故賂周治二十八年衛侯

子瑕曰苟能納我吾使爾為卿周治殺元咺及子適即公子儀母公入祀先君

周治既服將入廟周欵先入及門門遇疾而死忽遇暴治厯辭卿見周欵

僖三十二年左氏曰冬晉文公卒庚辰將殯也于曲沃曲沃有絳絳有聲

如牛如牛○僖三十三年左氏曰狄伐晉先軫晉原免胄入狄師死焉力戰狄人歸

其元首也面如生言其有○文元年左氏曰冬十月以宮甲大子宮甲圍成王楚丁

未王縊諡之曰靈未歛而不瞑曰成乃瞑○宣八年左氏曰白狄會晉伐秦晉人獲

秦謀往來間殺諸絳市晉所都六日而蘇凡死六日而復○左氏襄十八年晉侯公

伐齊將濟河獻子中行獻于荀偃以朱絲係玉二鼓雙玉而禱沈玉而濟沈玉於河以質

會于魯同伐齊齊師夜遁十九年春諸侯還自沂上荀偃瘕疽惡生瘍瘕於頭既患

於頭又生瘕濟河及著雍病目出目睛努出士匄請見弗內請後問曰鄭甥荀吳其可二

月甲寅卒而視不可含日開宣子盥而撫之曰事吳敢不如事主大夫猶祝言本合

猶開樂懷子樂曰其為未卒事於齊故也乎乃復撫之曰士苟終所不嗣也事十齊

者有如河乃瞑受舍宣子出曰吾淺之為丈夫也自愧以

莊八年左氏曰齊侯襄游于姑楚遂田獵于貝邱皆齊見大豕從者曰公子彭生桓

八年襄公也公見大豕而從者公怒曰彭生敢見言彭生既死敢射之豕人立而啼

○莊三十二年左氏曰秋七月有神降于莘號地有神惠王問諸內史過周大曰

是何故也言神何對曰國之將興明神降之監其德也監察其君將亡神又降之觀

其惡也觀視其積故有得神以興亦有以亡亦有王曰若之何將

道以對曰以其物享祭焉其至之日亦其物也若以甲乙日至祭先胙玉王從之○

僖十年左氏曰狐突適下國曲沃遇大子忽如夢大子使登僕狐突本為申生御而

告之曰夷吾無禮夷吾為申生改葬加謚而曰無禮或謂指余得請於帝矣請罰將

以晉界秦秦將祀余對曰臣聞之神不歆享非類民不祀非族君祀毋乃殄絕乎言

晉非其族類則神不歆民不祀大子之祀必絕且民何罪失刑也祀以晉界秦而自絕其祀是之祀君其圖

之君曰諾吾將復請七日新城也曲沃西偏將有巫者而見我焉將因巫許之遂不見

及期而往告之曰帝許我罰有罪矣敗也於韓晉地復以晉界秦夷吾忌克多怨終於失

國雖改奠加謚中生猶忿傳言鬼神十五年秦獲晉侯○僖十九年左氏曰宋公襄使邾文公用鄆子

于次睢之社欲以屬東夷睢水入泗此水次有妖神東夷皆社祠之宋襄公使邾殺鄆子為犧牲以祭之欲徵福于神以屬東夷之眾

○文二年左氏曰於是夏父弗忌為宗伯掌宗廟昭穆之禮尊僖公僖是閔兄嘗為臣位應在今居閔上且

明見弗忌明言其所見曰吾見新鬼僖大既為兄死故鬼閔小死時○臧文仲祀爰居海鳥居止於魯東門外文仲以為神命國人祀之

○宣十五年左氏曰魏顆敗秦師于輔氏獲杜回秦之力人也初魏武子魏犢顆之父有嬖妾無子武子疾命顆曰必嫁是疾病則曰必以為殉及卒

顆嫁之曰疾病則亂疾病則神昏亂吾從其治治命也及輔氏之後顆見老人結草以亢禦杜回杜回躓而顛足以仆於地故獲之夜夢之曰余而女也所嫁婦人之父也爾用先人之治命余是以報○襄十年左氏曰宋公享晉侯悼於楚邱請以桑林殷天子卒之樂名

享而還及著雍晉侯地疾晉侯疾也卜桑林見崇見於北○襄三十年左氏曰或咻也于宋大廟

曰譖譖也熱也出出成伯姬鳥鳴于亳社社殷如曰譖譖妖也甲午宋大災宋伯姬卒○昭元

年左氏曰晉侯平有疾卜人曰實沈神參臺駘神汾為祟○昭三年左氏曰晏子晏嬰曰齊

其為陳氏矣齊將為陳氏箕伯直柄虞遂伯戲四人皆舜後其相胡公四人之後周始封陳之祖大如

也其妃已在齊矣言陳氏雖為人臣然將有國其先祖鬼神已與胡公共在齊○昭七年左氏曰鄭人相驚以伯有

曰伯有至矣襄三十年鄭人殺伯有言其鬼至則皆走不知所生子產立公孫洩子孔之及良止伯有

子以撫之立以為大夫使有宗廟乃止子大叔問其故子產曰鬼有所歸乃不為厲言鬼有宗廟則得其

所歸乃不為厲厲以害於民吾為之歸也廟以立一人使有宗廟以為之依歸也大叔曰公孫洩何為子孔不為厲問何為復立洩

子產曰說也為身無義而圖說伯有無義以妖鬼故立之恐惑民并立洩洩者自以大義存誅絕之後者以解說民心襄十九年鄭殺

孔子及子產適晉趙景子晉中軍佐趙成問焉曰伯有猶能為鬼乎子產曰能人生始化曰魄

形也始化為形其神形既生魄陽曰魂魄屬靜主靜至靜生動陽也魄陽用物物權

曰魄此有生之初也居移氣故魂強是以有精爽明也至於神明林註精者神之未著

精多則魂魄強居移氣故魂強是以有精爽明也至於神明林註精者神之未著

積精而至於神積爽而至於明匹夫匹婦彊死不病其魂魄猶能馮依於人以為淫厲况良霄我先

春秋經傳集解

卷一 怪變

天

君穆公之胄子良之孫子耳之子敝邑之卿從政三世矣去疾輒良霄三世執鄭政鄭雖無腴厚

也抑諺曰蕞爾國而三世執其政柄其用物也引矣其用權勢則甚弘大其取精也多矣其致

精爽則甚衆多其族又大所馮厚矣良霄魂魄所馮者貴重而彊死能為鬼不亦宜乎○昭二十六年

左氏曰在定王襄王六年魯宣八年秦人降妖衣服誦謠草木之怪謂之妖此蓋妖言降秦也曰周其有頤口上

王言周當有王亦克能修其職諸侯服享二世共職至于靈王定王生而有頤王甚

神聖無惡於諸侯靈王景王靈王克終其世○定元年穀梁曰零者為早求者也求

者請也焉請哉請乎應上公古之神人有應上公者通乎陰陽君親帥諸大夫道之

為君必而以請焉○僖十六年左氏曰十二月會于淮公會齊宋陳衛鄭許邢曹城鄆鄆為淮夷

役人病有夜登邱而呼曰齊有亂役人遇厲氣不堪久駐故作妖言不果城而還

僖十五年左氏曰秦獲晉侯以歸晉大夫反首亂頭髮反下垂也拔舍拔草舍止壞形毀服以示憂感而從秦

秦伯穆使辭焉曰二三子何其感也寡人之從君而西也亦晉之妖夢是踐厭也

不寐而與神言故謂之妖夢申生言帝許罰有罪今將晉君而西以厭息此語豈敢以至豈敢至於已甚○僖二十八:left 左氏曰晉

侯文夢與楚子成搏手楚子伏已而監其腦夢時楚子伏晉侯之腦所以柔物子犯審鬼是以懼子犯

曰吉我得天晉侯上向楚伏其罪楚子下向也吾且柔之矣腦所以柔物子犯審鬼事宜故權言以答夢

○初楚子玉自為瓊玉之弁弁以鹿子玉纓纓所以結於領下而垂者未之服也先戰先戰時夢

河神謂已曰畀余子玉自夢有河之神謂已言以弁纓與我余賜女孟諸宋蕞之麋水草之交曰麋神言以宋之地利送

玉弗致也○僖三十一年左氏曰衛成公夢康叔曰相夏后啟之孫居帝邱奪子享也○成二

年季孫行父臧孫許叔孫僑如公孫嬰齊帥師會晉卻克衛孫良夫曹公子首及齊

侯公戰于鞏齊師敗績左氏曰韓厥夢子輿韓厥謂已曰且辟左右言且避車左右兩偏故中

御而從齊侯居中代御者自非元帥御者皆在中將在左○成五年左氏曰嬰趙盾弟夢天使謂已夢上

祭余余福女使問諸士貞伯貞伯曰不識也貞伯不欲顯答故對曰不知也既而告其人既答

使者而貞伯曰神福仁而禍淫言鬼神之道仁愛者降福淫亂者降禍淫而無罰福也所行淫亂而

天之所謂福也祭其得亡乎以得放遣為福趙嬰通于趙莊祭之之明日而亡○成十年

左氏曰晉侯景大厲厲鬼也趙氏被髮及地搏膺曾而踊以手搏膺而踊躍曰殺余孫不

義八年晉侯殺趙同趙括余得請於帝矣壞大門及寢門而入公懼入于室又壞戶公疾病求

醫于秦秦伯桓公使醫緩名緩醫為猶治也之未至公夢疾為二豎子景公夢疾病化為二豎子曰彼良

醫也懼傷我焉逃之恐秦緩治病或能傷害我安所逃避之其一曰居盲高也之上膏心下為膏之下若我何

醫至曰疾不可為也在盲之上膏之下攻熨灸也之不可言不可達針以言不可之不及以言不可

藥不至焉至於用藥又不至焉不可為也言疾不可治也六月丙午晉侯欲麥將食張腹滿也如廁陷而

卒陷于廁中而死小臣有晨夢負公以登天及日中負晉侯出諸廁遂以為殉○成十六年

晉侯厲公及楚子鄭伯成公戰于鄢陵楚子鄭師敗績左氏曰呂錡魏錡夢射月中之退入

於泥及戰射共王中目王召養由基使射呂錡中項伏弢項伏於弓衣而死○成十

七年左氏曰初聲伯公孫嬰齊叔勝子夢涉洹洹水或與已瓊瑰瓊瑰玉食之含象泣而為瓊

瑰盈其懷淚下化為珠玉滿其懷從而歌之曰濟洹之水贈我以瓊瑰從就也歸乎歸乎瓊瑰盈

吾懷乎再言歸乎必死之兆夢中為此歌懼不敢占也還自鄭壬申至于狸脈而占之曰余恐死故

不敢占也今眾繁而從余三年矣無傷也眾人繁多而從於我又過三年矣言其夢無傷於已或應在他事言之之

莫而卒傳戒數占夢○襄十八年左氏曰中行獻子將伐齊夢與厲公獻子所賦者訟弗勝公

以戈擊之首隊於前跪而戴之奉之以走見梗陽晉邑之巫臯臯巫名也他日見諸道

與之言同巫亦夢見獻子與厲公訟巫曰今茲主主大夫之稱必死若有事於東方齊居東方有則可

以逞巫知獻子有死徵故勸使決意伐齊獻子許諾冬十月會于魯同伐齊十九年二月甲寅卒○昭

四年左氏曰初穆子去叔孫氏及庚宗成十六年辟僑如之難奔齊庚宗魯地遇婦人使私為食而宿

焉問其行告之故哭而送之婦人聞而哭之夢天歷已弗勝穆子夢天歷已力不能勝顧而見人黑而

上僂色黑而肩深目而靨喙目深而象猪號之曰牛助余乃勝之及宣伯穆子之兄奔齊魯人

召之既立立為卿所宿庚宗之婦人獻以雉獻禮問其姓問有子否對曰余子長矣襄二年

使為豎小臣也○昭七年左氏曰楚子靈王成章華之臺願與諸侯落宮室始成祭之為落之公將

往夢襄公祖祖祭道神梓慎曰君不果行襄公之適楚也夢周公祖而行今襄公實祖君

其不行子服惠伯曰行先君謂襄公未嘗適楚故周公祖以道之襄公適楚矣而祖以

道君不行何之之去也三月公如楚○鄭子產聘于晉晉侯公平有疾韓宣子逆也容謂

產私焉語曰寡君寢疾夢黃熊入于寢門其何厲鬼也對曰昔堯殛鯀于羽山其神

化為黃熊以入于羽淵實為夏郊縣禹父夏家郊祭之三代祀之歷殷周二代晉為盟主其或者未

之祀也乎言周衰晉為盟主得佐天子祀羣神韓子祀夏郊縣祀晉侯有間間差也○鑄刑書之歲二月在

年鄭或夢伯有介甲而行襄三十年鄭曰此日字以卜至又將殺段也皆夢伯有言壬子余將殺帶也帶

助子哲明年壬寅余又將殺段也公孫段及壬子六年三月三日駟帶卒齊燕平之月此年正月

壬寅公孫段卒○衛襄公夫人姜氏宜無子嬖人媯始生孟縶孔成子衛卿孔達之孫孫縶也

夢康叔謂已立元孟縶弟夢余使羈孫縶之孫圉與史苟史朝相之史朝亦命康叔

謂已余將命而子苟與孔烝鉏之曾孫圉相元史朝見成子告之夢夢協合媯始生

子名之曰元孟縶之足不良弱行也故孔成子立靈公也○昭十一年左氏曰孟僖

子會邾莊公盟于侵祥泉邱魯人有女夢以其帷幕孟氏之廟遂奔僖子其僚鄰女為僚

友從之隨而奔僖子盟于清邱之社二女自共盟曰有子無相弃也僖子使助遂氏遂氏之女為僖子副

妻別居之選副倅也僖子納泉邱人女令副坐之反自侵祥宿于遂氏生懿于及南宮敬叔於泉邱

其僚無子使字也敬叔似雙○昭十七年晉荀吳帥師滅陸渾之戎左氏曰宣子夢

文公携荀吳而授之陸渾故使穆子荀帥師獻俘于文宮欲以應夢○昭二十五年左氏

曰宋元公將如晉夢大子欒元公大子也即位於廟已也與平公元公父也服朝而相輔之

已亥卒于曲棘○昭三十一年左氏曰趙簡子夢童子贏而轉婉轉以歌○左氏哀

七年宋人圍曹初曹人或夢眾君子立于社宮社也而謀亡曹曹叔振鐸曹始請待公

孫彊請眾君子待公孫彊為政而後亡曹許之及曹伯陽即位好田弋曹鄙人小吏公孫彊好弋繳射也

說之使為司城以聽政乃昔晉而好宋宋人伐之晉人不救八年宋公景伐曹遂滅

曹○哀十七年左氏曰衛侯莊公夢于北宮見人登昆吾之觀衛有觀在古被髮北

面而諛曰登此昆吾之虛縣縣瓜初生也生之瓜良夫言已有以小成大之功余為渾良

夫叫天無辜本盟當免三死而并數一時之○哀二十六年左氏曰宋景公無子取

公孫周元公孫之子得昭公與啓得畜養也諸公宮未有立焉公游于空澤宋辛巳卒

子高也

于連中名館大尹立啓得即昭夢啓壯首死而寢于盧門宋東之外在門外已為烏而

集于其上得又自夢身化為味鳥象加于南門尾加于桐門北曰余夢美必立戴氏

皇氏欲伐公公謂使國人施于大尹施罪于大尹奉啟以奔楚乃立得

隱三年左氏曰冬齊鄭盟于石門齊地或曰庚戌十二月無鄭伯莊之車償于濟既

而遇大風傳記異也○宣四年左氏曰楚人獻龜於鄭靈公公子宋子公與子家歸將見子公

之食指第二動以示子家曰他日我如是必嘗異味及入宰夫將解龜相視而笑子

意公將享大夫故相視公問之問所子家以告及食大夫龜召子公而弗與也欲使

而笑以為食指動之驗笑○昭五年叔弓帥師敗莒師于濇泉公羊曰濇泉者

無效子公怒染指於鼎嘗之而出○昭五年叔弓帥師敗莒師于濇泉公羊曰濇泉者

何直泉也直泉者何涌泉也蓋戰而涌○昭十三年左氏曰夏五月癸亥王靈王繼

于芊尹申亥氏昭四年胡氏曰楚虔弑康以立執徐子圍朱方遷賴於鄢滅陳滅蔡

窮凶極惡師潰於訾梁身竄於棘里而縊于申亥人不致討而天自討之○哀十六

年左氏曰衛侯莊公蒯聵飲孔悝酒于平陽夜半而遣之夜遣者慙負孔及西門平陽使

戴章友柘藏主石函使于西圃孔氏廟子伯季子初為孔氏臣新登于公升為請

追之請追遇載柘者殺而乘其車子伯殺許公為人姓反柘孔悝怪載柘者久不遇

之于道曰與不仁人爭不仁人謂子明無不勝言必必使先射必使子伯先射三

發皆遠許為許為射之殪或以其車從從公得柘于橐中

昭十九年左氏曰鄭大水龍鬪于時門鄭城之外洧淵洧水國人請為禳焉子產弗許

曰我鬪龍不我覲也見也言我若相鬪龍龍鬪我獨何覲焉禳之則彼其室也淵龍

無求於龍龍亦無求於我乃止也○昭二十九年左氏曰秋龍見于絳晉國郊○哀

六年左氏曰楚子昭在城父將救陳王有疾卒于城父是歲也有雲如衆赤鳥夾日

以飛三日○莊十四年左氏曰初內蛇鄭南門與外蛇門外鬪於鄭南門中內蛇門

之蛇死六年而厲公入後六年傳瑕殺鄭子納厲公應內○文十六年左氏曰有蛇自

泉宮即泉出入于國如先君之數自伯禽至僖公十七君秋八月辛未聲姜薨毀泉

臺魯人以為蛇妖所出○成二年季孫行父臧孫許叔孫僑如公孫嬰齊帥師會晉

郟克衛孫良夫曹公子首及齊侯項公戰于鞏齊師敗績左氏曰邴夏御齊侯逢丑父

為右丑父寢於轡士中林註轡卧車也蛇出于其下有蛇出於轡車之下以肱擊之傷而匿之

故不能推車而及丑父以手肱打蛇為蛇傷其肱而藏匿之◎隱五年公觀魚于堂

公羊曰公曷為遠而觀魚登讀言來之也得來之者齊人語也齊人名求為得

金之魚公張張周之解言登來之意也正以價直登來之者何美大美大多得之利之辭也

辭也耻公去南面之位下與◎宣六年公羊曰靈公晉有周狗可以比周之狗謂之

葵◎昭二十二年左氏曰賓孟適郊見雄雞自斷其尾問之侍者曰自憚其犧也畏

為犧牲奉宗廟故自殘毀◎哀十四年左氏曰迹人主迹禽獸者來告曰逢澤有介大麋焉

昭八年左氏曰春石言于晉魏榆晉魏邑之榆地晉侯平問於師曠曰石何故言對

曰石不能言或馮焉謂有精神馮依石而言不然民聽濫失也謂石本不言民聽之失妄為言也抑疑臣又聞

之曰作事不時與作土木之事妨害民時怨讟動于民則有非言之物而言再氣致異時則有不能言之物而作人言

宮室崇侈民力彫傷傷也盡怨讟並作莫保其性命命也民不敢自保其性命石言不亦宜乎於是

侯方築虎祈地名之宮叔向曰是宮也成諸侯必叛君必有咎夫子知之矣十年晉侯寇齊

昭一十四年左氏曰冬十月癸酉王子朝用成周之寶珪于河壽河甲戌津人得諸

河上珪自出陰不佞敬王大夫以温人南侵晉以温人助敬王南侵于朝拘得玉者取其玉將賣之則為

石王定而獻之及敬王即位不佞以珪來獻

感召

事類

傳

僖三年公羊曰六月雨雨而不甚也賢君精誠之應◎宣十五年公羊傳註曰宣公於天災

飢後能受過變寤明年大有年◎昭十八年胡氏曰鄭不復火者子產有令政以德

消變之驗是知吉凶禍福固有可移之理◎哀十四年胡氏曰河出圖洛出書而八

卦畫蕭韶作春秋成而鳳麟至事應雖殊其一也

桓三年胡氏曰日者人君之象而有食之既則其為變大矣先儒以為荆楚僭號鄭拒王師之應○昭七年左氏曰夏四月甲辰朔日有食之公晉平曰詩所謂彼日而食于何不臧者何也歲日食對曰士文伯不善政之謂也

隱九年公羊傳註平地七尺雪者盛陰之氣也此桓將怒而弑隱之象胡氏曰雷已出電已見而大雨雪陽失節而陰氣縱公子暈之讒兆矣鍾巫之難萌矣○僖十一年胡氏曰先乎陽穀之會為大雨雪後乎陽穀之會為大雩僖公不能禮佐齊桓而與之肆于寵樂是以見戒于天如此以公夫人陽穀之會觀之而義自見也

僖二十九年胡氏曰電者戾氣也陰脅陽臣侵君之象是時僖公即位日久季氏世卿公子遂專權政在大夫萌於此矣○昭四年胡氏曰電戾氣也是時季孫宿專執兵權以弱公室故數月之間三年再有大變

宣八年胡氏曰敬嬴逆天理拂人心其於終事雨不克葬著咎徵焉而謂無天道乎成十六年胡氏曰木者少陽幼君大臣之象冰者凝陰兵之類也冰脅木者君臣將

執於兵之徵未幾而有沙隨若邱之事休咎之應焉可誣也沙隨若邱事在本年

定元年胡氏曰隕霜殺菽刑罰不中之應

桓元年胡氏曰大水者陰逆而與怨氣并之所致也桓行逆德而致陰沴宜矣

桓十四年胡氏曰仲冬燠而無冰則政治縱弛之所致也○成元年胡氏曰成公幼

弱政在三家公室不張故當沍寒而常燠無冰者常燠也政事舒緩之象觀於陰陽

寒暑之變然後王事備矣

莊七年胡氏曰恒星者列星也如雨者言眾也人事感于下天變動於上政歸盟主

王室遂虛其法度廢弛威信凌遲之象著矣春秋謹于天象至矣○僖十六年胡氏

曰宋襄以亡國之餘欲圖伯業五石隕六鷁飛不自省其德後五年有孟之執二十一年

又明年有泓之敗二十二年天之示人顯矣聖人所書之義明矣○文十四年胡氏曰字

者惡氣所生入于北斗後三年宋弑昭公十六年又二年齊弑懿公十八年又二年晉弑

靈公宣二年天之示人顯矣○昭十七年胡氏曰大辰心也心為明堂天子之象字星

加心象天子適庶將分爭也後五年王室亂歷數載而後定二十至哀十三年有星
孛于東方是時吳人僭亂馮陵上國故氛祲在東方假手越人吳國遂滅天之示人
顯矣

昭二十年左氏曰梓慎望氛曰宋有亂叔孫昭子曰然則戴桓也汰侈無禮亂所生
也氛氣也戴族華氏桓族
向氏傳言妖由人興

宣十六年胡氏曰成周天子之東都宣榭宣王之廟也貴戚擅殺大臣十二年而天
子不討不復能中興矣火之所以見戒乎○昭六年左氏曰鄭人鑄刑書士文伯曰
火見鄭其火乎火未出而作火鑄不火何為

隱五年公羊傳註異先事而至災隨事而至皆君行之所至也是年○莊十八年胡
氏曰蠶陰物也麋亦陰物也十七
年麋是時莊公上不能防閑其母下不能正其身陽淑
消而陰慝長此惡氣之應也○宣六年胡氏曰螽為穀災虐取于民之效也宣公用
兵不息災異數見又曰經于螽螟一物之變必書于策示後世天人感應之理不可

誣○宣十五年穀梁曰蝻稅畝之災也秋初
稅畝胡氏曰宣公煩于朝會聘問賂遺而

不務其本故戾氣應之六年螽七年旱十年大水十有三年又螽十有五年復螽○

宣三年穀梁傳註曰譏公不恭致天變牛○成七年穀梁傳註牛傷至復食乃知國
無賢君天災之爾應鼠食郊牛角改卜
牛麋鼠又食其角胡氏曰食而又食三桓子孫相繼之象也○

定十五年牛死改卜牛穀梁傳註曰公不敬最大故天災最甚○哀元年應鼠食郊
牛角穀梁傳註曰哀公不敬故致天變○莊十四年內蛇與外蛇鬪內蛇死六年而
厲公入申緇曰妖由人興也人無靈焉妖不自作人弃常則妖興○昭二十五年鸛
鵠來巢公羊傳註曰宜穴反巢者自下居上之微胡氏曰去穴而巢陰居陽位臣逐
君象也

僖十四年胡氏曰書沙鹿崩於前書獲晉侯于後雖不指其事應而事應具存○成
五年胡氏曰梁山韓國也山川至于崩竭自是而後六十年間弑君十有四亡國三
十二其應亦懜矣春秋不明著其事應而事應具存

桓三年胡氏曰桓宣二公獲罪于天宜得水旱凶災之譴享國十有八年獨二年有年他年之歎可知而天理不差矣

隱十一年胡氏曰使隱公為國以禮而自強于善豈有鍾巫之難乎以天道言則感應之理明矣○莊七年夫人姜氏會齊侯于穀胡氏曰一歲再會為惡益遠矣明年無知弑諸兒其禍淫之明驗也

術數

事類

傳

桓八年穀梁傳註曰時天子命祭公就魯卜擇紀女可中后者便逆之○莊二十二年左氏曰初懿氏卜妻敬仲其妻占之曰吉是謂鳳皇于飛和鳴鏘鏘有媯之後將育于姜五世其昌并于正卿八世之後莫之與京又曰陳厲公生敬仲其少也周史

有以周易見陳侯者陳侯使筮之遇觀之否曰是謂觀國之光利用賓于王此其代

陳有國乎不在此其在異國非此其身在其子孫光遠而自他有耀者也○僖四年

左氏曰初晉獻公欲以驪姬為夫人卜之不吉筮之吉公曰從筮卜人曰筮短龜長

不如從長且其繇曰專之渝攘公之瑜一薰一蕕十年尚猶有臭必不可杜註物生而後有滋滋而後有數龜象筮數故象長數短繇卜兆辭渝變也攘除也瑜美也林註言專寵之變必將奪公之所美蓋指申生言奪公之嫡也○僖十五

年左氏曰初晉獻公筮嫁伯姬于秦遇歸妹之睽史蘇占之曰不吉其繇曰士刲羊

亦無益也女承筐亦無貺也西鄰責言不可償也歸妹之睽猶無相也林註立血也刲羊無血不足以供祭祀也筐筐也虛筐之象無貺賜也杜註將嫁女子于西而遇不吉之卦○襄

故知有責讓之言不可報償歸妹女嫁之卦睽乖離之象故曰無相相助也

二十五年左氏曰崔武子見棠姜而美之使取之筮之遇困之大過史皆曰吉示陳

文子文子曰不可娶也其繇曰困于石往不濟也據于蒺藜所恃傷也入于其宮不

見其妻凶無所歸也二十七年國人滅豈氏其妻盪○閔元年左氏曰初畢萬筮仕

於晉遇屯之比辛廖占之曰吉屯固比入吉孰大焉其必蕃昌公侯之卦也公侯之

子孫必復其始屯險難所以為堅固此親密所以得入畢萬畢○成十七年左氏曰

施氏卜宰匡句須吉杜註卜立冢宰林註匡句須亦施氏家臣卜兆告吉○襄二十四年左氏曰晉人使求御

于鄭鄭人卜宛射犬吉射犬鄭公孫○哀十七年左氏曰楚子與葉公枚卜子良以為令

尹沈尹朱曰吉過于其志葉公曰王子而相國過將何為他日改卜子國而使為令

尹枚卜不斥言所卜以令龜子○閔二年左氏曰成季之將生也桓公使卜楚邱之

父卜之曰男也其名曰友在公之右間于兩社為公室輔季氏亡則魯不昌又筮之

遇大有之乾曰同復于父敬如君所杜註卜楚邱魯掌卜大夫內社周社亳社兩社

復于父見敬與君同林註凡人皆以右手用事在公之右當用事相魯季氏之後當與魯國相為存亡也○僖十七年左氏曰晉惠公之

在梁也梁伯妻之梁嬴孕卜招父與其子卜之其子曰將生一男一女招曰然男為

人臣女為人妾故名男曰圉女曰妾及子圉西質妻為宦女焉○昭五年左氏曰初

穆子之生也莊叔以周易筮之遇明夷之謙以示卜楚邱曰是將行而歸為子祀以

邊人入其名曰牛卒以餒死○昭七年左氏曰衛襄公嬖人媯始生子曰元孔成子

以周易筮之遇屯以示史朝史朝曰元亨又何疑焉且其繇曰利建侯子其建之周易

曰屯元亨繇卦辭○僖十五年左氏曰秦伯伐晉卜徒父筮之吉詰之對曰大吉也三敗必

獲晉君其卦遇蠱曰千乘三去三去之餘獲其雄狐夫狐蠱必其君也千乘諸侯也言千乘三度

敗去三敗之後獲其狐之雄者晉侯卜右慶鄭吉弗使○莊四年公羊曰齊襄公將復讐乎紀卜

之曰師喪分焉寡人死之不為不吉也○僖二十五年左氏曰狐偃言于晉侯曰求

諸侯莫如勤王使卜偃卜之曰吉遇黃帝戰于阪泉之兆筮之遇大有之睽曰吉遇

公用亨于天子之卦○文十一年左氏曰鄭瞞伐我公卜使叔孫得臣追之吉○宣

十二年左氏曰楚圍鄭鄭人卜行成不吉卜臨于大宮且巷出車吉臨哭也大宮鄭祖廟出車於巷

示將見遷不得安居○成十六年左氏曰楚子登冀車以望晉軍大宰伯州犂侍于王後王曰

張募矣曰虔卜於先君也又苗賁皇言于晉侯曰請擊其左右公筮之史曰吉其卦

遇復曰南國蹙射其元王中厥目請擊楚之左右呂錡夢射月中之退入于泥占之曰姬

姓日也異姓月也必楚王也射而中之退入于泥亦必死矣及戰射共王中目王召

養由基使射呂錡中項伏弋中呂錡之項伏于弓衣而死○襄十年左氏曰鄭侵衛孫文子卜追

之獻兆于定姜姜氏問繇曰兆如山陵有夫出征而喪其雄姜氏曰征者喪雄禦寇

之利也雄大夫之象出征之夫而喪失其雄此禦寇者之所利○襄二十八年左氏曰齊盧蒲癸王何卜攻慶

氏示子之兆子之曰克見血子之即慶舍○昭五年左氏曰楚伐吳吳使蹇由犒師楚人

將以釁鼓王使問焉曰女卜來吉乎對曰吉寡君卜之以守龜龜兆告吉國之守龜

其何事不卜一臧一否其誰能常之城濮之兆其報在邲城濮戰楚卜吉其效乃在邲○城濮在僖二十八年

邲在宣十二年○昭十年左氏曰齊欒高氏伐虎門公卜使王黑以靈姑鉞率吉戰于稷

比曰黃裳元吉以為大吉也示子服惠伯惠伯曰吾嘗學此矣忠信之事則可不然

必敗且夫易不可以占險筮雖吉未也○昭十七年左氏曰吳伐楚陽句卜戰不吉

司馬子魚曰楚故司馬令龜我請改卜吉大敗吳師○定四年左氏曰楚子奔隨吳

人從之子期曰我與之王必免隨人卜與之不吉子期昭王兄○定九年左氏曰齊伐

晉晉車千乘在中牟衛侯將如五氏卜過之龜焦齊侯在五氏將往助之衛至五氏道過中牟龜焦兆不成不可以行

也○哀二年左氏曰趙鞅卜戰龜焦樂丁曰爰始爰謀爰契我龜言先人事後卜筮今既謀同可不瀕

更卜又傳註始納衛太子卜得吉兆○哀六年左氏曰楚子將救陳卜戰不吉卜退不吉將戰卒于

城父○哀九年左氏曰宋伐鄭晉趙鞅卜救鄭遇水適火占諸史趙史墨史龜史龜

曰伐齊則可敵宋不吉史墨曰水勝火伐姜則可史趙曰救鄭則不吉陽虎以周易

筮之遇泰之需曰宋方吉微子帝乙之元子也帝乙歸妹而有吉祿我安得吉焉哀

十年趙鞅伐齊大夫請卜之趙孟曰吾卜於此起兵卜不襲吉行也謂往歲卜伐宋不吉利以伐姜

故今與兵林註襲重也卜不重吉瀆則不告也○哀十七年左氏曰楚將取陳麥王卜之武城尹吉使帥師

取陳麥○哀十八年左氏曰初右司馬子國之卜也觀瞻曰如志故命之及巴師至

將卜帥王曰寧如志何卜焉子國未為令尹時卜為右司馬得吉兆如其志寧子國也觀瞻楚開卜大夫觀從之後○哀二十

三年左氏曰晉荀瑶伐齊長武子請卜知伯曰君卜之以守龜于宗桃吉矣吾又何

卜焉智伯即荀瑶○成十七年左氏曰聲伯夢涉洹至于狸服而占之○昭三十一年左

氏曰十二月日食是夜趙簡子夢童子且占諸史墨曰六年及此月也吳其入郢乎

史墨知夢非日食之應故釋日食之咎而不釋其夢 ○哀十六年左氏曰衛侯占夢嬖人與卜人比而告公曰

君有大臣在西南隅弗去懼害林註以能占夢見愛杜註託占卜夢而言 ○襄十八年左氏曰獻子夢與

厲公訟巫曰今茲主必死主大夫之稱 ○哀十七年左氏曰衛侯夢于北宮公親筮之胥

彌赦占之曰不害衛侯貞卜其繇曰如魚窺尾衡流而方羊裔焉大國滅之將亡闔

門塞寶乃自後踰冬晉伐衛公踰於北方而隊折股窺赤也魚勞則尾赤橫流方羊不能自安裔水邊言衛侯將若

此 ○僖十九年左氏曰衛大旱卜有事于山川不吉甯莊子曰天其或者欲使衛討

邢乎從之師興而雨 ○僖三十一年左氏曰衛遷于帝邱卜曰三百年 ○文十三年

左氏曰邾文公卜遷于繹史曰利于民而不利于君遷于繹五月邾文公卒 ○昭三

年左氏曰初景公欲更晏子之宅晏子如晉公更其宅反乃毀之而為室如其舊使

宅人反之曰非宅是卜唯鄰是卜二三子先卜鄰矣違卜不祥二三子謂鄰人 ○文十八年

左氏曰齊侯戒師期而有疾公聞之卜曰尚無及期卜楚邱占之曰齊侯不及期北

疾也君亦不聞令龜有咎杜註尚庶幾也欲令先師期死林註非以疾終將見獄 ○襄九年左氏曰穆姜薨于

東宮始往而筮之史曰是謂良之隨隨其出也必速出姜曰隨元亨利貞死咎今我

婦人而與于亂不可謂元不可謂亨不可謂利不可謂貞能死咎乎必死于此弗得

出矣隨非閉固之卦有出之義 ○襄一十八年左氏曰慶封田于萊陳無宇從請曰無宇之母疾

病請歸慶季卜之示之兆曰死許言毋疾請歸慶封 ○昭元年左氏曰晉侯有疾卜人曰實

沈臺駘為祟 ○哀六年左氏曰楚昭王有疾卜曰河為祟 ○昭十三年左氏曰楚靈

王卜曰余尚得天下不吉尚庶幾 ○昭二十五年左氏曰初滅昭伯如晉滅會竊其實

龜儻句以卜為信與僭僭吉及昭伯從公平子立滅會會曰儻句不余欺也僭不信也卜所

為誠信與不信之事傳言卜筮之驗善惡由人

文十四年左氏曰有星孛入斗周內史叔服曰不出七年宋齊晉之君皆將死亂

史服但言事徵而不論其占固非末學所得詳言 ○襄十八年左氏晉人聞有楚師

後三年宋弒昭公五年齊弒懿公七年晉弒靈公 ○襄十八年左氏晉人聞有楚師

師曠曰不害吾驟歌社風又歌南風南風不競多死聲楚必無功董叔曰天道多在

西北南師不時必無功歲在豕韋月又建亥故曰多在西北○襄二十八年左氏曰春無冰梓慎曰歲

在星紀而淫于玄枵蛇乘龍龍宋鄭之星也宋鄭必饑玄枵虛中也枵耗名也不饑

何為歲星也星紀在丑斗牛之次玄枵在子虛危之次歲星在星紀明年當在玄枵今已在玄枵淫行失次蛇玄武之宿虛危之星龍歲星歲星木也木為青龍

失次出虛危下為蛇所乘歲星本位在東方東方房心禪竈曰今茲周王及楚子皆

為朱角亢為鄭故以龍為宋鄭之星今淫入虛耗之次旅客處也歲星棄星紀之次

將死歲棄其次而旅於明年之次以害鳥帑周楚惡之容在玄枵歲星所在其國有

福失次於北禍衝在南南為朱鳥鳥尾曰帑帑火鴉尾周楚之分故周王楚子受其

咎俱論歲星過次梓慎則曰宋鄭饑禪竈則曰周楚王死傳故備舉以示卜占惟人

在○昭元年左氏曰子產曰高辛氏二子閼伯實沈后帝遷閼伯於商丘主辰故辰

為商星遷實沈于大夏主參唐屬參故參為晉星○昭八年左氏曰晉侯問史趙曰

陳其遂亡乎對曰未也陳顛頊之族也歲在鶉火是以卒滅陳將如之今在析木之

津猶將復由陳祖舜舜出顛頊歲星也鶉火南方柳星午位顛頊氏以歲在鶉火

之析木之津由用也今歲星在寅位故陳猶將復用臣聞威德必百世祀虞之世數未也繼守將在齊其兆既

享矣自舜至今未及百世之數繼陳以○昭十年左氏曰有星出于婺女鄭裨竈曰

七月戊子晉君將死今歲歲在顛頊之虛姜氏任氏實守其地居其維首而有妖

焉告邑姜也邑姜晉之妣也天以此紀戊子逢公以登星斯於是乎出歲星也

枵齊薛二國守玄枵之地客星居玄枵之維首出非其地故曰妖星邑姜齊大公女

晉唐叔之母星占婺女為既嫁之女織女為處女邑姜齊之既嫁女妖星在婺女齊

得歲故知禍歸邑姜逢公殷諸侯居齊地也以戊子日卒登卒也逢公○昭十一年

未死之先妖星出婺女時非歲星所在故齊自當禍而以戊子日卒

左氏曰景王問襄弘曰今諸侯何吉凶對曰蔡凶蔡般弑君之歲歲在豕韋弗遇

此矣今歲復在豕韋楚將有之歲及大梁楚凶蔡近楚故知楚將有之楚靈王弑

大梁美惡周必復故知楚○昭三十二年左氏曰史墨曰不及四十年越其有吳乎

越得歲而吳伐之必受其凶存亡之數不過三紀歲星三周三十六歲故曰不及四

有福吳先用兵○哀十二年左氏曰十二月螽仲尼曰丘聞之火伏而後蟄者畢今

故反受其殃言未盡沒知是九月歷官失一閏○昭三十一年左氏曰玄

火猶西流司曆過也火心星也火伏在今十月猶西流○昭三十一年左氏曰玄

月辛亥朔日有食之史墨曰六年及此月也吳其入郢乎終亦弗克入郢必以庚辰

日月在辰尾庚午之日始有譎火勝金故弗克庚日有變日在辰尾故日以庚辰

辰尾龍星也周十二月今之十月

水火既濟

卷一 術數

日月合朔於辰尾而食滿變氣也庚午十月十九日去辛亥朔四十一日雖食在辛亥更以始變為占也午南方楚之位也午火庚金也日以庚午有變故災在楚楚之仇敵唯吳故知入郢必吳食在辛亥亥水也水數六故六年也午火勝庚金楚氣猶壯故終亦不克

襄九年左氏傳註樂喜為政卿宋知將有火災戒為備火之政又左氏曰晉侯問士

弱曰宋災於是乎知有天道何故對曰陶唐氏之火正閔伯居商邱相土因之故商

至大火商人閱其禍敗之釁必始于火是以知其有天道也遷閔伯于商邱主辰辰大火也今為宋星商邱

在宋地相土契孫商之祖代閔伯居商邱祀大火商人數昭九年左氏曰陳災鄭

所更歷恒多火災宋是殷商之後故知天道之災必火

禪竈曰五年陳將復封封五十二年而遂亡陳水屬也火水妃也而楚所相也今火

出而火陳遂楚而建陳也妃以五歲故曰五年歲五及鶉火而後陳卒亡楚克有之

天之道也故曰五十二年陳顓頊之後故為水屬火畏水故謂之妃相治也楚之先

楚而建陳妃合也五行各相配合得五而成故五歲而陳復封是歲歲在星紀五歲

及大梁而陳復封自太梁四歲而及鶉火後四周四十八歲凡五及鶉火五十二年

天數以五為紀故五昭十七年左氏曰有星孛于大辰西及漢申頌曰彗除於火

及鶉火火歲水衰昭十七年左氏曰有星孛于大辰西及漢申頌曰彗除於火

火出必布焉諸侯其有火災乎梓慎曰往年吾見之其居火也久矣若火作其四

當之在宋衛陳鄭乎示大辰之虛也陳大皞之虛也鄭祝融之虛也皆火房也星孛

及漢漢水祥也衛顓頊之虛也其星為大水水火之牡也其以丙子若壬午作乎水

火所以合也鄭禪竈曰宋衛陳鄭將同日火大辰大火宋分野大皞居陳本火所自

漢水也衛顓頊居之衛星營室營出祝融高辛氏之火正居鄭房舍也天

室水也牡雄也水為雌火為雄昭十八年左氏曰夏五月火始昏見丙子風梓

慎曰是謂融風火之始也七日其火作乎壬午宋衛陳鄭皆火火心星東北曰融風

日壬午水火合故當知火作鄭之未災也里析告子產曰將有大祥變異

及火里析死矣哀三年左氏曰孔子在陳聞火曰其桓僖乎言桓僖親盡而廟

昭七年左氏曰四月日食晉士文伯曰去衛地如魯地其大咎其衛君乎魯將上卿

衛地豕韋也魯地降婁也日食於豕韋之末及降婁之始乃息故禍在衛大在魯小

周四月今二月故日在降婁衛君實當此咎魯將上卿當之八月衛侯卒十一月季

孫宿卒昭二十四年左氏曰五月日食梓慎曰將水昭子曰旱也日過分而陽猶不

克克必甚能無旱乎註陰勝陽故曰將水杜註過春分陽盛而不勝陰陽將損出故為旱

于武公梓慎曰禘之日其有咎乎吾見赤黑之祲非祭祥也喪氛也其在蒞事乎二

月叔弓蒞事籥入而卒侵妖氛也見於宗廟故以為非祭祥蒞臨也○昭二十年左氏曰二月梓慎望氛

曰今茲宋有亂國幾亡三年而後弭蔡有大喪○哀六年左氏曰有雲夾日以飛周

太史曰其當王身乎日為人君妖氣守之故以為當王身雲在楚上唯楚見之故禍不及他國

昭二十三年左氏曰八月南宮極震長弘曰西王之大臣震天棄之矣東王必大克

子朝在王城故謂西王敬王君狄泉在王城東故曰東王

昭二十五年師已曰吾聞文武之世童謠曰鸛鶴鸛鶴往歌來哭今鸛鶴來巢其將

及乎將及禍也

昭十一年左氏曰子產曰蔡小而不得楚大而不德天將棄蔡以壅楚盈而罰之三

年王其有咎乎美惡周必復罪惡盈滿而降之罰周歲星一周十二年也

哀十四年公羊傳註夫子曰今宗周將滅吾道窮矣

閔元年左氏曰晉侯賜畢萬魏卜偃曰畢萬之後必大萬盈數也魏大名也今名之

六以從盈數其必有眾以魏封畢萬是以魏從萬從盈數也此得國得民之象

僖五年左氏曰晉侯圍上陽問於卜偃曰吾其濟乎對曰克之其九月十月之交乎

文十年左氏曰初楚范巫裔似謂成王與子玉子西曰三君皆將強死言皆不得以壽終

成十年左氏曰晉侯夢大厲召桑田巫巫言如夢公曰何如曰不食新矣巫云鬼怒如公所夢

崇信

事類

經

文十六年毀泉臺左氏曰有蛇自泉宮出秋聲姜薨毀泉臺泉宮即泉臺魯人以為蛇妖所出而聲姜薨故

之○定元年立煬宮左氏曰昭公出季平子禱于煬公九月立煬宮煬公伯禽子也平子逐君懼而

請禱于煬公昭公死于外自以為獲禍故立其宮○僖十九年邾人執郕子用之左氏曰宋使邾文公用郕

子于次睢之社宋襄公圖霸使邾殺郕子為犧牲以祭之欲總福于神

傳

宣三年左氏曰王孫滿曰周德雖衰天命未改鼎之輕重未可問也○隱十一年左氏曰鄭伯曰天而既厭周德矣吾其能與許爭乎○昭二十三年左氏曰襄弘曰周之亡也其三川震今西王之大臣亦震天棄之矣○定元年左氏曰晉女叔寬曰周襄弘將不免天之所壞不可支也天既厭周德襄弘欲遷都以延其祚○僖二十三年左氏曰晉重耳乞食于野人野人與之塊子犯曰天賜也稽首受而載之得上有國之祥故以為天賜○叔詹曰晉公子天之所啟乎○楚子曰晉公子天將與之誰能廢之○僖二十八年左氏曰楚子曰晉侯天之所置其可廢乎○成十八年左氏曰晉使逆周子于京師而立之周子曰孤始願不及此豈非天乎悼公○昭十三年左氏曰叔向曰天方相晉將何以代文天方助晉成其霸業有何君可以代文公者○成二年左氏曰魯衛曰齊晉亦唯天所授豈必晉○成十六年左氏曰范匄曰晉楚唯天所授何患焉文子逐之曰國之存亡天也童子何知焉其父執戈以逐范匄言晉勝楚是天威晉於亂亡晉不勝是天卑晉以安存○昭四年左氏曰楚使椒舉如晉求諸侯晉侯欲勿許司馬侯曰不可楚王方侈天或者欲逞其心以厚其毒而降之

罰未可知也其使能終亦未可知也晉楚唯天所相不可與爭○桓六年左氏曰季梁隨曰天方授楚○宣十五年左氏曰伯宗曰天方授楚未可與爭伯宗晉大夫○哀十七年左氏曰子高曰令尹有憾于陳天若亡之其必令尹之子是與天意若欲亡陳其必與子西之子以○襄二十九年左氏曰裨諶曰天禍鄭久矣其必使子產息之乃猶可以戾戾為功○宣三年左氏曰石癸曰今公子蘭鄭穆公姑甥也天或啟之必將為君傳言穆氏所以大興也○昭三十二年左氏曰史墨曰天生季氏以貳魯侯在易卦雷乘乾曰大壯於鄭天所啟也○昭三十二年左氏曰史墨曰天生季氏以貳魯侯在易卦雷乘乾曰大壯乾為天子震為諸侯而在乾上君○定九年鮑文子曰魯未可取也上下臣易位猶臣大強壯若天上有雷和而無天菑○僖十九年左氏曰甯莊子曰昔周饑克殷而年豐今邢方無道諸侯無伯天其或者欲使衛討邢乎從之師興而雨○哀十六年左氏曰衛使告于周曰勦躒獲嗣守封使下臣敢告執事王使單平公對曰往謂叔父敬之哉方天之休言方受爾○僖三十三年左氏曰晉原軫曰秦以貪勤民天奉我也○昭九年左氏曰鄭裨竈曰陳亡楚克有之天之道也○昭十一年左氏曰叔向曰蔡侯獲罪天將假

手於楚以斃之然幸而克必受其咎天之假助不善非祚之也厚其凶惡而降之罰

也○哀元年左氏曰逢滑曰吳未有福楚未有禍吳日敝於兵而未見德天其或者

正訓楚也使懼而改過○昭十八年左氏曰里析告子產曰將有大祥國遷其可子產曰

雖可吾不足以定遷矣祥變異之氣子產知天災不可逃故託以知不足○襄三十年左氏曰鄭子皙伐伯

有子產曰兄弟而及此吾從天所與林註子皙伯有皆子產兄弟杜註兄弟恩等故無所偏助○昭二年左氏曰

鄭公孫黑將作亂而不果子產數之曰不速死大刑將至再拜辭曰死在朝夕無助

天為虐子產曰人誰不死凶人不終命也不助天其助凶人乎○襄二十三年左氏

曰齊使析歸父載樂盈納諸曲沃樂盈夜見胥午而告之對曰不可天之所廢誰能

興之子必不免胥午守曲沃大夫二十一年樂盈出奔○昭十九年左氏曰子產曰天實亂是吾何知

焉諺曰無過亂門民有兵亂猶憚過之而况敢知天之所亂言天自欲亂國氏非國所知○昭二

十五年左氏曰齊侯請致于社公喜子家子曰天祿不再天若胙君不過周公以魯

足矣失魯而以于社為臣誰與之立言天之福祿不可再得天若報君以祿不能盡于胙周公止封於魯則以魯封君足矣今

失魯國誰與共立○昭一十七年左氏曰孟懿子陽虎伐鄆子家子曰天命不惰久矣天既

禍之而自福也不亦難乎伐鄆欲奪公○襄三十一年左氏曰吳使屈狐庸于晉趙文子

問曰延州來季子其果立乎天似啟之對曰若天所啟其在今嗣君子嗣君謂夷味○昭

二十七年左氏曰鱗設諸刺王王僚季子至曰苟先君無廢祀乃吾君也哀死事生以

待天命哀王僚之死喪事闔廬之生存以待天命之自定○定四年左氏曰鄭公辛曰君討臣誰敢讐之君

命天也若死天命將誰讐辛蔓成然之子昭十四年楚平王殺成然○哀十五:left>年左氏曰楚伐吳陳使公

孫貞子弔及良而卒將以尸入吳子辭芊尹蓋對曰備使奉尸將命雖隕于深淵則

天命也註蓋貞子介林註雖使尸極隕于深淵之中上天之命也○宣四年左氏曰箴尹克黃令尹子文孫使於齊還

聞亂其人曰不可以入矣箴尹曰棄尹之命獨誰受之君天也天可逃乎遂歸復命

楚子與若敖戰○桓八年左氏曰鬬伯比曰天去其疾矣隨未可克也蓋以少師為隨之疾今少師見獲是天去其疾

矣○哀十五:left>年左氏曰齊陳瓘如楚仲由見之曰天或者以陳氏為斧斤既斷喪

公室而他人有之不可知也其使終饗之亦不可知也○哀十一年左氏曰公使大

史固歸國子之元寘書于其上曰天若不識不衷何以使下國註衷善也下國魯自稱言天識不善故殺
國子杜註歸于齊也元首也◎定六年左氏曰公叔文子曰天將多陽虎之罪以斃之陽虎本有罪天意又欲甚其罪而後斃之◎昭四年胡氏曰賢者聽天所命

莊十六年左氏曰鄭公父定叔奔衛三年而復之使以十月入曰良月也就盈數焉數始於一盈於十故以盈數為良月◎僖十三年左氏曰齊使仲孫湫于周言王子帶歸復命曰未可杜註前年王子帶奔齊言欲復之林註十者數之盈也子帶罪重必十年乃可復易曰女子貞不字十年乃字蓋十者盈數也◎

不十年王弗召也杜註前年王子帶奔齊言欲復之林註十者數之盈也子帶罪重必十年乃可復易曰女子貞不字十年乃字蓋十者盈數也◎閔二年左氏曰成風聞成季之繇乃事之成風莊公之妾僖公之母聞卜楚邱占成季之繇辭乃禮事成季○卜曰在公之右為公室輔◎宣三年左氏曰鄭文公妾燕姑夢天使與已蘭曰以是為而子既而文公與之蘭而御之生穆公名之曰蘭又穆公有疾曰蘭死吾其死乎吾所以生也則蘭而

卒○昭七年左氏曰衛襄公嬖人生子曰元孔成子以周易筮之遇屯之比史朝曰元亨又何疑焉周易曰屯元亨◎昭十三年左氏曰初共王楚無冢適有子五人乃有事於羣望而祈曰請神擇于五人者乃徧以璧見於羣望曰當璧而拜者神所立也既乃

埋璧於大室之庭使五人入拜乎王再拜皆厭紐蔡公棄疾也故猶舊也又蔓成然故事蔡公棄疾有當璧之命故成然事之叔向曰有楚國者其棄疾乎棄疾即平王◎哀十七年左氏曰衛侯為

虎幄于籍圃成求令名者而與之始食焉太子請使良夫以良夫為令名◎哀十九年左氏曰晉趙鞅卜救鄭史龜曰伐齊則可史墨曰伐姜則可十年趙鞅帥師侵齊◎哀十八

年左氏曰初右司馬子國之卜也觀瞻曰如志故命之及巴師至將卜帥王曰寧如志何卜焉寧子國也◎哀二十六年左氏曰宋景公無子取公孫得與啟畜諸公宮十月公卒大尹立啟得夢啟北首而寢于盧門之外已為烏而集于其上曰余夢美必立

大尹奉啟奔楚乃立得盧門宋東門北首死象在門外失國也◎僖三十年左氏曰周冶殺元咺及子適子儀周欒遇疾而死治履辭卿見周欒死而懼◎成二年左氏曰韓厥

夢子輿謂已曰且辟左右故中御而從齊侯註子輿韓厥父言且避車左右兩偏杜將左◎哀七年左氏曰初曹人夢眾君子謀亡曹曹叔振鐸請待公孫彊戒其子曰我死爾聞公孫彊為政必去之及曹伯陽即位公孫彊為司城夢者之子乃行◎成

十年左氏曰晉侯如廁陷而卒小臣有晨夢負公以登天及日中負晉侯出諸廁遂

以為殉○昭七年左氏曰楚子召公公將往夢襄公祖子服惠伯曰行先君未嘗適

楚故周公祖以道之襄公適楚矣而祖以道君不行何之三月公如楚杜註祖祭道

謂襄公之去也○成十六年左氏曰苗賁皇言於晉侯請擊其左右公筮之史曰吉其卦曰

南國臧射其元王中厥目公從之諫分晉精兵○襄十八年左氏曰中行獻子夢與

厲公訟巫曰今茲主必死若有事於東方則可以逞獻子許諾以朱絲繫玉而禱曰

齊環怙恃其險將率諸侯以討焉官臣偃實先後之苟捷有功無作神羞環齊靈公

名○昭十七年左氏曰晉荀吳滅陸渾宣子夢文公携荀吳而授之陸渾故使穆子

獻俘于文宮穆子荀吳○昭二十五年左氏曰宋元公夢太子樂即位於廟已與平公服

而相之且召六卿曰寡人若獲保首領以沒唯是楸柎所以藉幹者請無及先君樂

公太子也已元公也平公也元公也元公夢太子樂即位於廟已與平公服

宋廟已與平公朝服而輔相之楸柎柎也幹骸骨也○昭四年左氏曰初穆

子及庚宗遇婦人而宿焉適齊夢天歷已弗勝顧而見人黑而上僂號之曰牛助介

乃勝之既立所宿庚宗之婦入曰余子長矣召而見之則所夢也號之曰牛遂使

豎○哀十六年左氏曰衛侯占夢嬖人告公曰君有大臣在西南隅弗去懼害乃逐

大叔遺○莊三十二年左氏曰有神降于莘內史過曰以其物享焉其至之日亦其

物也王從之享祭也若以甲乙日至祭先胖○號公使祝應宗區史囂享焉神賜之

土田史囂曰號其亡乎聽於神○僖五年左氏曰公曰吾享祀豐潔神必據我據

也○僖三十一年左氏曰衛成公夢康叔曰相奪予享公命祀相相夏后啟之孫

文二年左氏傳註海鳥爰居止於魯東門外文仲以為神命國人祀之○襄十年左

氏曰宋公享晉侯以桑林晉侯還疾卜桑林見荀偃士句欲奔請禱焉桑林殷天子

疾崇見於卜兆○昭七年左氏曰子產聘晉韓宣子私曰寡君寢疾夢黃熊入寢門

其何厲鬼也對曰昔堯殛鯀其神化為黃熊三代祀之晉為盟主其或者未之祀也

乎韓子祀晉侯有間晉為盟主得祀○鄭人相驚以伯有曰伯有至矣子產立公孫

洩及良止以撫之乃止子大叔問其故子產曰鬼有所歸乃不為厲吾為之歸也子

大叔曰公孫洩何為子產曰說也襄三十年鄭人殺伯有言其鬼至公孫洩子孔之子也襄十九年鄭殺子孔良上伯有子也立以為大夫使有宗廟鬼有宗廟則得其所歸乃不為惡厲以害於民我立二人使有宗廟以為之依歸也伯有以妖鬼故立之恐惑民并立洩使若以大義存後者以解說

○哀十三年左氏傳杜註吳人信鬼

僖四年左氏曰晉獻公欲以驪姬為夫人卜之不吉筮之吉公曰從筮卜人曰必不

可弗聽立之○僖十五年老氏曰晉侯夷卜右慶鄭吉弗使惡其不孫不以為車右○僖二十

八年左氏曰楚子玉為瓊弁玉纓夢河神謂已曰界余余賜女孟諸之麋弗致也榮

季曰瓊玉糞土也何愛焉弗聽河神言以弁纓與我孟諸宋藪澤水草之交曰慶神言以宋之地利送于玉○成十六年

左氏曰郤至曰陳不違晦以犯天忌晦月終陰盡兵家所忌令楚歷晉軍而陳不違晦日

僖三十一年左氏曰衛成公夢康叔曰相奪予享公命祀相甯武子不可曰鬼神非

其族類不歆其祀相之不享於此久矣非衛之罪也請改祀命相夏后啟之孫居帝邱享祭也言帝邱久

不祀相非○襄十年左氏曰晉侯疾卜桑林見荀偃士句欲請禱焉荀偃不可崇見

衛所絕○昭元年左氏曰叔向曰寡君疾病晉實沈臺駘為祟子產曰此二者不及君身

若君身則亦出入飲食哀樂之事也山川星辰之神又何為焉○昭十七年左氏曰

鄭裨竈曰若我用瓘瑩玉瓚鄭必不火子產弗與○昭十八年老氏曰裨竈曰不用

吾言鄭又將火子產不可大叔曰可以救亡子何愛焉子產曰天道遠人道邇非所

及也何以知之竈焉知天道是亦多言矣遂不與亦不復火前年裨竈欲用瓘瑩禳火穀梁曰或

曰人有謂子產曰某日有災子產曰天者神子惡知之是人也○昭二十六年左氏

曰齊有彗星齊侯使禳之晏子曰無益也天道不諂不貳其命若之何禳之且天之

有彗也以除穢也君無穢德又何禳焉若德之穢禳之何損祝史之為無能補也○

哀六年左氏曰是歲有雲夾日以飛楚子昭問周太史周太史曰其當王身乎若禳

之可移於令尹司馬王曰除腹心之疾而實諸股肱何益不穀有罪受罰又焉移之

遂弗禱初昭王有疾卜曰河為祟大夫請祭諸郊王曰三代命祀祭不越望不穀雖

不德河非所獲罪也遂弗祭孔子曰楚昭王知天道矣其不失國也宜哉

成五年穀梁曰梁山崩伯尊遇輦者曰為之奈何輦者曰天有山天崩之天有河天

壅之雖召伯尊如之何○襄九年左氏曰晉侯問士弱曰宋災知有天道可必乎對

曰在道國亂無象不可知也在其君行道與否耳聞無道則禍亂生殊無一定之象○襄十八年左氏曰師曠

曰南風不競楚必無功董叔曰天道多在西北南師必無功叔向曰在其君之德也

言天時地利不如人和

昭二十三年左氏曰吳伐州來楚救州來戊辰晦戰于雞父楚師大奔七月二十九日違兵忌晦

戰擊楚所不意○定九年左氏曰齊伐晉晉車在中牟衛侯將如五氏卜過之龜焦衛侯曰

可也齊侯在五氏將往助之衛至五氏道過中牟畏晉故卜龜焦兆不成不可以行事也衛侯怒晉甚不復顧卜故言可也○哀二年左氏曰

趙鞅納衛太子于戚卜戰龜焦樂丁曰詩曰爰始爰謀爰契我龜詢可也樂丁晉大夫詩大雅

言先人事後卜筮詢諮詢也言既謀同可不須更卜○哀十八年左氏曰楚惠人伐楚將卜帥王曰寧如志

何卜焉君子曰聖人不煩卜筮惠王其有焉寧子國也

黷慢

隱五年宋人伐鄭長葛六年胡氏曰宋穆公屬國於鄭惠使其子馮出居于鄭

公既立忌殤而伐鄭不亦逆天理乎

莊元年王使榮叔來錫桓公命胡氏曰桓弑君篡國而王不能誅反追命之無天

矣桓無天王無天其失非小惡也

桓八年正月己卯烝五月丁丑烝公羊曰譏也承則黷黷則不敬穀梁曰黷祀

志不敬也○桓十四年八月乙亥嘗穀梁曰志不敬也○文二年躋僖公穀梁曰

祀也無祖也無祖則無天也故曰文無天○宣三年牛死乃不郊穀梁傳註譏公不

恭○成七年鼯鼠食郊牛角穀梁曰備災之道不盡也○昭二十五年辛未雩

雩又雩胡氏曰昭公至是猶不知畏罔克自省而求於禱祠之末將能勝乎○定十

五年改卜牛穀梁曰不敬莫大焉○哀元年鼯鼠食郊牛角穀梁曰志不敬也

二十三年大室屋壞穀梁曰譏不修也志不敬也

傳

昭十八年左氏曰宋衛國知皆火許不弔災不弔恤災不畏天也

○昭二十二左氏曰

子朝因舊官百工之喪職秩者以作亂閔馬父曰子朝必不克其所與者天所廢也

閔馬父閔子馬魯大夫天所廢謂羣喪職秩者○昭二十五年左氏曰樂祁曰政在季氏三世矣魯君靖以

待命猶可動必憂逆時而動必致憂患○定元年左氏曰晉女叔寬曰長弘違天天既厭周德長弘欲違

以延其祚故曰違天○哀七年左氏曰吳來微百牢子服景伯對曰周之王也制禮上物不違

十二以為天之數也今棄周禮而曰必百牢亦唯執事吳人弗聽景伯曰吳將

矣棄天而背本註上物天子之牢天有十二次故制禮象之杜註棄天十二之數背周制禮之本○哀元年左氏曰越受

夫行成伍員曰不可克而弗取將又存之違天而長寇讐猶言天與不取

春秋經傳類求卷一終

